

菩薩念佛三昧經卷第一

印

宋天竺三藏功德直譯

序品第一

如是我聞一時佛住王舍城耆闍崛山與大比丘衆一千二百五十人俱皆是阿羅漢諸漏已盡無復煩惱調伏縱任善脫無脫深知無知所作已辦逮得無我捨諸重擔除滅九結決定解脫諸心自在猶如大龍唯除阿難爾時難陀天子修難陀天子持檀天子修摩那天子自在天子大自在天子阿逸多天子修行天子如是无數淨居天子於夜後分光色倍常者闍崛山欽然大明時諸天子往世尊所一心恭敬頂礼佛足以天細末栴檀之香多摩羅跋沑水天香天花瑠香俱修摩等種種花香以散佛上重礼佛足右遶三匝却住一面合掌向佛時耆闍天子默然生念過去諸佛皆為諸天世人沙門婆羅門演諸佛所說菩薩念佛三昧復作是念今我世尊亦應如昔過去諸佛安樂世間諸

人天故宣說菩薩念佛三昧時諸天子俱白佛言世尊過去諸佛皆說菩薩念佛三昧安樂世間人天八部唯願世尊如昔諸佛廣為衆生說此三昧爾時世尊默然許之時諸天子遠佛三匝頂礼佛足忽然不現
爾時世尊於夜後分明相出時熙怡微笑作大師子嚙咬之聲耆闍崛山別住諸僧承佛神力俱到佛所王舍大城諸比丘尼蒙佛威聲亦悉同集摩竭提國阿闍世王先尼梵子與無量億眷屬圍遶承佛神力於一念頃俱到佛所復有阿羅婆迦夜叉伽陀婆夜叉金毗羅夜叉修脂路摩夜叉摩羅陀利夜叉如是等夜叉神王有大威力一皆有百千眷屬乘佛神力於一念頃三耆闍崛山復有羅睺羅阿修羅王毗摩質多羅阿修羅王修婆睺阿修羅王波呵羅頭阿修羅王及其眷屬如是乃至三千世界天龍龍王無量无边生希有心肅然毛豎承佛神力於一念頃往到佛所東方世界如恒河沙梵天天王閻佛等

咬肅然毛豎往到佛所自餘三方及上下方亦復如是
時給孤獨須達長者亦與無數百千眷屬從舍衛城往到佛所時毗耶離有大長者名曰善思次名降怱次名吉祥復有難車諸王子等名歡喜象次名舉象復有斷事底士首陀名曰光象如是一切皆大乘學與无量衆承佛神力往到佛所時瞻婆城有居士子名曰庠序次名饒益復有大長者子名無量力如是等衆已於過去種種善根有大威德承佛神力往到佛所時波羅奈无量衆生宿殖德本今已成熟從波羅奈鱗次相繼步至佛所稽首作礼侍立左右
是時拘尸那城大城無量力士及力士子已於過去供養諸佛殖諸善業具大威德從拘尸那城共相和順隨路貫次往到佛所至心恭敬前頂礼足是時三千大千世界縱廣正等佛神力故一切八部天龍夜叉乾闥婆王阿修羅王迦樓羅王緊那羅王摩睺羅伽如是等衆皆來集會聞无空缺

念佛三昧經卷一

第四

念佛三昧經卷一

第五

念佛三昧經卷一

第六

尔時世尊見衆已集復更發大師子之聲從僧坊出近至異處遙見彼方其地衆實世尊見已復更微笑即時世間人天阿修羅各持無量末香雜花以散佛上至心恭敬尊重讚歎是時衆中長老舍利弗長老目犍連長老摩訶迦葉長老須菩提長老富樓那彌多羅尼子長老畢睺羅長老摩訶金毗羅長老摩訶迦旃延長老阿菟樓駄長老劫賓那長老輪盧那二十億子長老難陀長老阿難陀皆有威德具足神通如是聖衆悉已俱集尔時衆中長老弥勒菩薩三尊菩薩越三界菩薩初發心即轉法輪菩薩善思菩薩大音聲菩薩持地菩薩文殊師利童子菩薩不空見菩薩如是等衆无量無邊已曾供養過去諸佛深種善蔭無數行願久發無上菩提之心尔時長老不空見菩薩欲知如來神通之相微笑之意更正衣服遶佛三匝却住一面合掌向佛即說偈曰

現斯熙怡 富能開惠 令貪滿足

佛演法施 明發亦然 一切世間之所歸趣 以何因緣 亦此微笑無上正覺 願為我說 尔時世尊告不空見汝見彼處衆實地不空見言唯然已見如是不空見彼地乃是往昔諸佛之所遊化時不空見心自念言我宜速疾至彼地所如其相貌心入三昧入三昧已為佛世尊化作種種衆實法座即如其念施置座已往詣佛所勸請如來昇此寶座自言世尊此處皆是往古來今諸佛如來遊踐之地 是時世尊往到彼處即就法座於一念頃如來應正遍知力故此刹三千大千世界六種震動踊躍遍踊等遍踊震過震等遍震吼遍吼等遍吼動遍動等遍動搖遍搖等遍搖起遍起等遍起東踊西沒西踊東沒南踊北沒北踊南沒西踊東沒東踊西沒北踊南沒南踊北沒光明遍照无量世界一念之間一切衆生乃至阿鼻地獄悉受快樂 佛昇法座如日暉曜一切世間之所

歸仰震動大千咸生欣悅 佛登寶座 如日顯照 一切世間頂戴法三 欲令衆生 普獲安樂 佛就座已 如日融朗 一切世間尊承法王 放淨光明 照諸刹土 奇哉斯乘 乘之軍勝 異哉斯乘 無能過者 變現之慶 已不可量 善哉斯乘 乘之弘大 乘是乘者 不可思議 諸天魔梵 所不能測 尔時世尊廣長舌相遍覆三千大千世界普告聲聞及衆菩薩諸善男子一心靜聽是夜難陀天子修難陀天子梅檀天子修摩那天子自在天子大自在天子阿逸多天子修行天子如是無數淨居天子於夜後分光色倍常者闍崛山欽然大明尔時諸天來詣佛所一心恭敬頂礼佛足以天細末梅檀之香多摩羅跋沘水天香天花鬘香俱修摩等種種花香以散佛上重礼佛足右遶三匝却住一面合掌向佛供養恭敬尊重讚歎 是時梅檀天子默然生念過去諸佛應正遍知皆為人天沙門婆羅門數

演諸佛所說菩薩念佛三昧今我世尊亦應如昔過去諸佛安樂衆生宣說菩薩念佛三昧時諸天子作是勸請我默然許如是比丘栴檀天子難陀天子無量淨居諸天子等知我許已忽然不現尔時世尊即說偈言
告諸比丘 於後夜時 諸天身色 光炎倍常 耆闍崛山 欬然大明 供養尊重 圍遶世主 難陀天子 善喜天子 善喜天子 栴檀天子 自在天子 及大自在 阿逸天子 善行天子 如是無量 淨居天子 有大神力 來至我所 廣設種種 殊妙供養 皆共恭敬 右遶三匝 頭面礼足 却住一面 栴檀天子 默然住已 發心欲為 教化衆生 請說菩薩 念佛三昧 往昔諸佛 已曾說故 善哉釋迦 十力如來 說三摩提 欲令一切 得安樂故 佛默然許 時諸天子 已知垂允 我亦於此 耆闍崛山 如過去佛 所說三昧 時諸天子 已知如來 默然許之 歡喜快樂 右遶三匝

礼足而去 比丘聽我 所演二昧 如昔諸佛 莫生疑惑 如來智慧 不可思議 過去諸佛 取上菩提 於諸知見 心無疑網 如今現在 第一菩提 我皆了知 心無滯碍 若當來世 欲成菩提 欲為憐愍 將來世故 我亦明曉 心无毫疑 是故如來 深解無窮 智力无碍 不可思議 如彼所知 我悉究盡 一切衆生 不測其奧 菩薩念佛三昧經不實本事品第二
尔時世尊告長老舍利弗長老目捷連長老迦葉長老須菩提長老富樓那弥多羅尼子諸天人皆已來集汝等比丘各昇法座作師子吼所以者何此衆多有諸聲聞人聞師子吼悉得解脫
尔時世尊告弥勒菩薩越三界菩薩不思議菩薩不空見菩薩汝等即時請如來演諸佛所說真實功德師子吼音不空見言如是世尊唯然已聞即說偈讚
身色如金 百福莊嚴 為憐愍故

了達真諦 功德具足 名譽遠流 今日世尊 以何因緣 於大衆中 令我請問 正覺無倫 取上莫過 功德法王 大智難窮 調伏世間 以何因緣 於大衆中 令我請問 如來淨戒 定智解脫 解脫知見 悉皆無等 今我善逝 以何因緣 於大衆中 令我請問 咸德無比 能為衆生 作大利益 法王世尊 習近悲處 令我請問 百劫修慈 於大衆中 辯才无滯 善逝何因 於大衆中 令我請問 軍上法王 普利群生 貧者得富 盲者得視 楚毒永息 恐畏獲安 以何因緣 令我請問 佛身淨妙 塵垢不汙 如來之衣 種種難色 世尊族姓 王中之王 以何因緣 令我請問 佛所著衣 去身四指 而不離身 身能降怨 以何因緣 令我請問 如來行處 無諸坑坎 智慧力故 所履皆平 以何因緣 令我請問 如來之身 不增不减 行步平正 不邪不曲

妙絕常倫

念佛三昧經卷第一 第十段 帝

嚴嚴整亦七重皆悉七寶是諸門外

令我請問 仰瞻尊顏 目不暫徙

以金銀沙布飾其地一門兩邊各有

佛行不假

神足之力 威儀自然

金銀四閣相對

摩序可觀

若為廻廻 之所捉持

如是不空見又以金銀作大羅網弥

迷聞失心

无所覺省 若觀世尊

覆門上金網處處懸於銀鈴銀網往

於一念頃

諸惡永離 還得正念

往垂於金鈴風吹鈴網皆作笙篴樂

若有衆生

觸佛足塵 於七月中

已安處其中斯城整外有七池沼金

身心快樂

命終之後 得生善處

銀頗梨珊瑚所成此諸池沼有七階

歸命世尊

施一切樂 若有人病

道亦是七寶之所莊校金階道者銀

極受衆苦

佛以手摩 即得除愈

為欄楯銀階道者金為欄楯銀為階

善逝曠劫

悉得一切 不可思議

道真珠欄楯真珠階道琉璃欄楯頗

無數安樂

佛昔勇猛 攝取當來

梨階道珊瑚欄楯珊瑚階道真珠欄

无量劫中

所得淨法 我於是處

植真珠階道金為欄楯如是不空見

無疑異心

以何因緣 令我請問

无量力王植衆奇花優鉢羅花鉢頭

過去當來

天中特尊 今遇調伏

摩花拘物頭花分頭利花都梨尼花

人中天仙

以何因緣 令我請問

香氣調柔無怯惜者隨意採之其池

念之

不空見言 唯然世尊 告不空見

岸上種種花樹所謂伊魯花樹尼魯

我憶往昔

无央數劫 尔時有王名無

花樹迦多魯尼花樹阿提目多迦花

量力有

大神通勢 力自在是王住處

樹瞻葡花樹婆利師花樹拘毗陀羅

造立大城

城名善建 縱廣正等十二

花樹陀菟伽梨花樹此諸花樹氣若

由延其城

七重面有 三門門城皆以

天香亦无守護隨意而取

金銀琉璃

頗梨馬瑙 真珠珊瑚 莊校

又不空見是善建城有多羅樹七重

行列悉以七寶互相間錯金多羅樹

銀葉花果銀多羅樹赤真珠葉花果

亦然白真珠樹琉璃為葉花果亦然

琉璃樹者頗梨為葉花果亦然頗梨

樹者馬瑙為葉花果亦然馬瑙樹者

赤真珠葉花果亦然赤真珠樹琉璃

為葉花果亦然珊瑚樹者金為其葉

花果亦然不空見風吹諸樹更相振

觸出微妙聲譬如樂師善能擊發五

種之音又不空見王所住處如是衆

聲恒不斷絕象聲馬聲車聲軍聲螺

聲鼓聲簫聲笛聲笙篴琵琶歌儻之

聲如是衆聲未曾暫廢王常宣令境

內人民若有所須衣服飲食象馬車

乘悉隨其意一切給與多羅樹間常

出樂音諸人遊之五欲自娛王現國

人如父念子一切奉王猶若慈父

又不空見善建城內開諸街巷邸邑

市肆處處復有四寶池沼其池相去

盡一箭道是池四岸衆寶階陸金階

銀欄銀階金欄頗梨珊瑚間錯亦然

又不空見王於諸池植衆名花復於

池上種種花樹伊尼魯花樹迦曇婆

花樹阿提目多伽花樹瞻若蘭花樹陀
 菟迦利花樹芳如天香亦無惜者城
 內又建諸園林觀種種花果行列其
 間復於園中四方周匝處處皆有諸
 妙花池亦以七寶莊嚴如前有衆殊
 女更相娛樂一切人民恣意遊適
 又不空見無量力王族姓豪傑大刹
 利種所生父母乃至七世胄胤相承
 悉皆清淨容色端雅人中獨絕財寶
 巨億不可殫計又不空見無量力王
 深信弘惠虛心大施施諸沙門及婆
 羅門乃至盲聾瘡殘百疾貧窮孤獨
 困厄之人王所統領八万四千城邑
 聚落淨業果報七寶莊飾一一城上
 復造八万四千栴檀衆妙樓櫓是諸
 門外開四衢路路首悉起嚴麗臺觀
 一切人民任意遊戲常於晝夜接觀
 臺殿巷陌邸里悉然燈燭其明猛威
 遍照國界衆生蒙光身心快樂
 又不空見王有二子一名師子二名師
 子意久發无上菩提之願名稱遠聞
 具大威德余時有佛号曰寶肩如來
 應正遍知明行足善逝世間解无上

士調御丈夫天人師佛世尊出現於
 世作是唱言我於今世及以後世沙
 門婆羅門天人阿修羅大衆之中一
 切知見普為群生說諸妙法初中後
 善語善義善具足清白梵行之相與
 大羅漢七百万億皆具神通威德
 自在寶肩如來於晨朝時齊整衣服
 執持應器比丘翼從入城乞食時无
 量力共其二子在高樓上歡娛受樂
 王遥觀佛功德相好生奇特心欣躍
 無極眷屬圍遶俱到宮門告其二子
 速賣香花幢幡伎樂疾至佛所即以
 牛頭栴檀末香諸妙珍異以供養佛
 及比丘僧右旋三匝頂礼足却住
 一面
 又不空見王與二子請寶肩佛及聲
 聞衆盡其形壽施諸所安寶肩如來
 於天人中教化已周將般涅槃時王
 知佛不久住世與其二子臣民眷屬
 前後導從至涅槃所如來余時滅度已
 訖頭面敬礼悲啼啼哭以身投地如
 大山崩作是唱言世間眼滅重更衰
 嘆世間眼滅如來涅槃一何駛哉猶

商失主佛滅亦然世間黑闇盲无慧
 目捷臂拍頭舉聲大叫嗚咽捫淚告
 其二子辨諸香湯洗浴如來又以種
 種妙香塗身一切散花及諸花鬘无
 量妙衣經如來身七寶為棺以鐵為
 槨聚赤栴檀高一由旬縱廣正等一
 拘盧舍復以花香散於槨上蘇油千
 器以灌栴檀然後起火火既發已復
 更號慟灑淚如雨
 余時師子作是念言世尊涅槃我生
 何為亦當隨佛入於涅槃立此誓訖
 重以種種珍妙香花散於槨上白炷
 纏身手執火炬自投火中火即猛威
 為利衆生歸依世尊而說偈願讚詠
 如來
 如大珠寶聚世間之所尊生死苦永盡
 於斯般涅槃自從今已往不觀轉法輪
 我所奉法王已入於涅槃宣揚廣大義
 不可復重布何當在大衆間說於菩提
 諸天及世人歡喜讚善說我於今日後
 絕不思議聲世間勝調御於此而沉淪
 龍神阿修羅及以緊都羅欣悅常歌歎
 不復聞斯音貪者得滿足苦惱蒙救護

金剛三昧經第一卷 第十六經 下

世尊今涅槃 悉喪所依怙 父王無量力
及弟師子意 亦復無慈蔭 更不聞說法
我亦隨世尊 速取於滅度 世間無明道
何用苦生為 今焚此毒身 願獲不思議
我昔與父王 常於長夜中 勤供佛法僧
今得獲果報 若我於佛所 修習諸善行
為調伏世間 得不思議故 為令諸眾生
發不思議願 世尊般涅槃 我投火盛時
若人見聞者 一切得成佛 唯除邪謗人
及證正位者 若我修菩薩 廣大無量行
眾生夢見者 皆令得佛道 唯除邪謗人
及證正位者 此身如聚沫 要當必有死
一切眾生類 若食我空者 是等不可量
疾當得成佛 我修菩薩行 惡口罵詈者
是人值調御 必當得成佛 唯除邪謗人
及證正位者 若人於我身 修於慈悲觀
求第一善提 速得成佛道 唯除邪謗人
及證正位者 以是燒身緣 為求彼此願
若我心真實 即還見佛起 設得更親佛
如先住世者 我身投火中 猶前侍佛時
佛起如真身 今觀不異昔 亦乃證諸佛
相續常不斷 唯願普眼尊 愍攝於世間
佛知王子心 渴仰甚殷重 即於焰聚中

金剛三昧經第一卷 第十七經 下

畜大神通力 如從三昧起 光明倍明顯
不可思議眾 咸歎未曾有 廣為時會人
更作大利益 所化既已畢 還入於涅槃
師子既見佛 亦大感神力 身心甚欣悅
坦然快安樂 深知諸佛法 不可得思議
如來雖涅槃 猶應眾生願 不思議戒定
智慧與解脫 及解脫知見 神化不可量
歸依於世尊 然後當救身 世間妙威儀
寂勝無倫匹 自在諸神力 亦復無等雙
如來還涅槃 一切咸驚惋 是故我至心
歸依普眼尊 歸命於善逝 累盡無為主
歸命永離苦 憐愍於世間 正智遍觀察
了達知他心 除諸煩惱病 成就無量眾
大醫人尊 施不思議藥 能善除世間
一切眾疾苦 歸依無上師 哀矜眾生者
若我讚如來 一念之功德 燒身微毫善
須更供養福 如是諸淨業 願施於一切
如是不空見 時天魔梵及餘一切世
間人民悉見 師子投身威光皆大悲
憐生奇特心 命終之後 即生梵天有
大神力威勢 自在是梵 今時中心念
言 云何忽然來生此間 重更思惟 往
昔人中 已曾奉侍 寶肩如來 至心恭

金剛三昧經第一卷 第十八經 下

敬尊重讚歎 佛涅槃已 燒身供養復
說偈頌發弘誓願 乘此善業得生梵
天 我今當往 至燒身所 是梵即時忽
然不現 譬如壯士 屈申臂頃 便到如
來閻維之處 以天梅檀沉水 碎香俱
修摩訶多摩羅跋種 種種香花 不可稱
數 遍散空中 如雨而下 十方交紛 若
風旋雪 供養寶肩如來 舍利向無量
力 說其本緣 我是王子 師子之身 投
火供養 命過之者 唯願大王 不加慈
念 我今已蒙獲諸善利 由昔至誠虔
恭奉侍 尊重歌歎 寶肩如來 切福果
報 得生梵天 是故大王 與師子意 應
共珍敬 受持妙法 收取舍利 分布供
養 無令遺落 而生懈怠 大王當知 我
生梵天 亦常敬持 受此勝法 作是言
已 忽然不現
又不空見 無量力王 與師子意 取水
滅火 以諸妙香 眾花寶鬘 幢幡伎樂
種種供養 須臾之頃 同遍八萬四千
城邑 悉起八萬四千塔廟 皆以七珍
莊校嚴麗 是諸寶塔 高一由延 縱廣
正等一拘盧舍 於一塔周 匝各然

八萬四千衆香油燈是諸塔間復以種種香花伎樂供養如前尊敬受持如此妙法無量力王以是善根與師子意經歷八萬四千劫中不墮惡道又於八萬四千億劫親近供養六萬諸佛次第奉敬常不斷絕世世恒作轉輪聖王

又不空見寶肩如來涅槃之後時有菩薩現於世間名普密王為愍世間出家學道菩提樹下結加趺坐一心定意正智解脫豁然大寤得無上道又不空見是師子梵至普密王佛世尊所住在虛空以天栴檀供養於佛右遶三匝稽首作禮請轉法輪而白佛言唯願世尊從道場起摧諸魔軍於淨神智无所毀損願世間師眾從定寤調御有解諸聲聞衆開演美妙善逝之法如來前身久修智慧攝受善法今為人尊過去世中已發弘誓願得佛時當度未度今願已滿得安隱處寂勝无為寂然妙樂當開甘露解衆三結今時世尊默然許之時彼大梵及無數天既知如來當轉

法輪咸共歡喜踊悅无量梵天子時設諸妙供即發大願求無上道遇普密王應正遍知生我淨妙功德之聚以此果報於生死中常得親近親十方佛若我供養佛菩提樹如是種種所修功德願慈愍故為我說法以此果報於生死中常得讚歎諸佛塔廟又不空見師子王子燒此一身以是功德所修善根恒住梵世值五千佛供養敬侍尊重讚歎敷殖諸善根發不思願汝不空見莫生此疑時無量力王豈異人乎我身是也時不空見即白佛言是二王子為今現在為已滅度唯然世尊願為說之告不空見尔時王子師子意者弥勒是也時師子者汝身是也王子師子捨此一身寶肩如來佛法之中教化成就三万衆生安住阿耨多羅三藐三菩提心尔時世尊即說偈言

憶念宿世時寶肩无量眼出現於世間廣利一切衆金色百福嚴慈矜哀愍故深解真實諦為度諸世間顯示甚深法濟苦惱衆生寶肩正遍知一切世間尊

三輪善逝衆七十二億千與是諸大衆入城共分衛昔有大國王名為无量力自在大威德勢能伏一切其王與二子俱遊高臺觀王於臺觀上遙觀調伏仙寶肩天人師翼從諸比丘時王與二子速迎人中尊既至如來所即廣設妙供頂礼遶三匝却立合掌住請佛及衆僧盡壽奉所安衣服及餅餌極世之珍異八萬四千歲奉施未常息時王及二子靜心求菩提時佛既滅度收取尊舍利為彼寶肩佛敬造七寶塔八万有四千微妙甚端雅二佛塔然八万四千燈時王无量力復於善逝處香花衆伎樂深心以供養已種不思議无量諸善根歷事六万佛一切世間依至誠求第一無上勝菩提比丘莫疑惑往昔有國王汝善聰慧者勿生於異見時彼无量力今則我身是雜花及衆香晝夜明諸燈為利闍浮提供養諸如來布施恒不足闍法亦復然曾无懈惰意一心求菩提寶肩正覺尊無上大明智汝昔曾燒身供養於大仙自投猛焰中初無畏苦心燒身如然炷以油滌其上漸漸不煩盡

金佛三經卷之五 第二十五

譬如淨燈炷為利衆生故 依養涅槃佛
彼佛已燒身 汝知方便請 觀佛從火起
光明更明顯 見佛不異昔 心生怖怯想
即時捨此身 為益一切故 若我果斯願
敬佛亦如前 所獲諸功德 不可得思議
我若有宿願 攝受先世業 合集百千萬
必當得見佛 我願若真實 佛應從火起
佛智甚清淨 究竟無染著 澹然常寂滅
相續恒不斷 知師子心淨 亦先照其意
佛便從火起 相好更殊特 不空見菩薩
世間忙忙起 一切願無餘 彼復發誓願
其願不思議 不可得稱數 法主矜世故
起於猛焰中 善逝難思力 光明更殊勝
彼時一切衆 皆悉懷驚愕 淨心發高歎
欣躍未曾有 奇哉大神通 勢力無倫匹
甚深佛境界 不可得思議 一千諸衆生
見此神變已 於諸法不受 善得心解脫
不空見當知 師子為世間 請佛速起時
一千諸衆生 於彼善逝處 觀佛神變化
其心正趣向 無上菩提道 大悲為世間
廣作利益已 佛還入涅槃 師子亦捨身
即於命終時 忽然生梵天 梵天從上來
以天栴檀末 散之以供養 如來閻維處

金佛三經卷之五 第二十五

寶肩滅度已 有佛普密王 宣勝人中尊
天王之大仙 哀愍衆生故 出現於世間
是佛坐道樹 得成菩提已 梵天設美餚
供養於世尊 頭面接足礼 請佛轉法輪
普密王如來 即知梵天心 默然而許之
梵天大欣慶 復於燒身所 更發諸大願
是梵已曾修 不可思議善 昔於一劫中
供養五千佛 至心敬世尊 奉侍人中尊
又告不空見 慎莫懷疑惑 汝若有聰慧
勿生於異見 昔日梵天者 今即汝身是
過去五千佛 善逝般涅槃 我悉明見汝
一二諸佛前 燒身以供養 求第一菩提
過去多千佛 滅度遺舍利 如是諸佛所
捨身及手足 為利衆生故 修習菩薩行
近世及遠世 我悉咸了知 常於百千生
勤修諸苦行 佛在及涅槃 汝願恒滿足
復告不空見 如此諸大願 攝取過去世
无量百千生 我住自在力 今悉照知之
汝聖果成就 即時皆明見 攝取不思議
真實諸行等 往佛前讚歎 供養兩足尊
是故今勸請 衆聖之法王 普密王佛所
攝取眾勝願 蒙佛現神通 汝今獲此果
不空見菩薩 自言牟尼尊 百千生諸願

金佛三經卷之五 第二十五

云何得攝取 願少為數折 令我得開解
不空見普誓 雷音成佛時 見坐菩提樹
我當請說法 先佛名帝幢 普眼之世尊
一切諸衆生 所共歸依處 是時廣發願
求無上菩提 為日光如來 作大七寶輪
汝時於彼處 已發眾勝願 不空見菩薩
此願我悉知 造七寶僧坊 雜色以莊嚴
奉今修伽陀 廣施未來佛 發此誓願已
即時而捨去 第一眾尊佛 人中上師子
名不可思議 善生之世尊 奉上七寶蓋
端飾甚微妙 天中大天仙 蓋身普眼佛
明燈供養已 是處發大願 近世及遠世
多有諸如來 千億那由他 其數復倍上
於是諸佛所 發無量願 令一切衆生
悉獲快樂 普密王佛前 先生如是念
我今說汝昔 修行至菩提 願一切大地
皆生種種花 雲雷音佛所 為利世間故
余時發誓願 若南諸衆生 聞我名字者
一切皆得佛 於帝幢佛所 設大珍妙供
復發諸善願 若眼見我者 於此世界中
皆當得成佛 在日光佛所 奉上七寶輪
無量大光焰 炫晃甚輝麗 時復發願已
誓生佛剎土 七寶嚴僧坊 雜色甚雅好

以此珍奇特 奉施於善逝 又發誓願已
 得天妙宮殿 斯處快歡樂 皆悉成佛道
 人中師子王 无上如來所 奉上珍寶蓋
 發於殊勝願 願諸衆生類 不為日所曝
 身心得安樂 無復熱惱患 蓋身善逝所
 供施燈明已 復發如誓願 若我命過處
 衆生食肉者 願皆成佛道 若聞我名者
 無有貪恡心 乃至夢中間 亦無愛惜意
 一切成佛道 唯除見諦者 若眼見汝者
 除諸貪嫉意 晝夜夢見時 亦捨恡恡心
 一切當得佛 唯除見諦者 若有慙念汝
 或生憎嫉者 是等於汝所 當得佛法王
 若汝臨終時 又勤求菩提 我今如實說
 汝之真功德 必於當來世 獲是無上尊
 若有處水陸 空行衆生等 食我身肉者
 願悉得成佛 我已知汝為 安樂衆生故
 勤修菩薩道 滿足大千行 衆生多疑謗
 是故不顯現 如此衆生類 即時於是處
 若得信念等 及以歡喜心 悉當成正覺
 唯除見諦者 若人願樂見 世間所尊怙
 或樂轉法輪 有樂勉衆苦 是人為菩提
 利益故發心 若有樂供養 三世諸法王
 若人欲出生 一切功德聚 如是衆生等

應持此三昧

今時世尊說是偈已即從坐起還入僧坊於常靜室右脅而卧

菩薩念佛三昧經卷第一

戊戌歲高麗國大藏都監奉

勅彫造

菩薩念佛三昧經卷第二

吊

宋天竺三藏功德直譯

神通品第三

余時長老舍利弗長老目捷連長老
 阿難諸天魔梵及阿修羅沙門婆羅
 門闍浮提人咸生是念今日如來應
 正遍知以何因緣於大衆中直說念
 佛三昧名字不為一切廣演分別便
 從座起而入靜室時不空見心自念
 言諸天魔梵悉已集會世尊今者右
 脅而卧我當微現神通變化亦神通
 已種種讚歎宣揚如來大悲功德當
 如其相攝心入定以是定力變此三
 千大千世界地平如掌皆作衆寶微
 妙雜色復列八道七寶諸樹金多羅
 樹銀葉花果銀多羅樹琉璃花果餘
 寶莊嚴亦復如此一切佛刹懸繒幡
 蓋妙幢寶樹種種綺飾優鉢羅花鉢
 頭摩花拘物頭花分陀利花如是諸
 花布一切處時不空見即如所念現
 大神通乃至三千大千世界令諸衆
 生天龍夜叉乾闥婆阿修羅緊那羅

摩睺羅伽人非人等皆坐衆寶蓮花

之上花葉無數色香具足各相知見坐寶蓮花

時不空見又以定心入此三昧現大

神通復令三千大千世界地大震動

如摩竭國赤銅鉢置平石上傾危

不定大地震動亦復如是若有衆生

聞此音聲覺悟之者皆得快樂譬如

東方不動國土亦如西方安樂世界

其中衆生歡娛踊悅時不空見復以

清淨恬寂調和柔潤端正至直无曲

甚深定心如其相貌亦無作神通於

是三千大千世界滿虛空中雨大猛

火无一衆生身心熱惱此諸群生大

火觸身覺是相已快樂無比譬如比

丘入火三昧身心欣躍彼亦如是時

不空見復以定心現无作神通又令

三千大千世界雨天栴檀細末之香

香氣氤氳遍滿大千若有衆生駛斯

香者開神適體快樂无極譬若釋迦

牟尼如來於昔劫中修菩薩行定光

佛所受記莳時獲不思議無生妙樂

念之頃不可計衆亦得如是隨意

歡娛

尔時阿難在大衆中而作是念佛入

靜室是詐神力而現斯變為餘聲聞

目捷連等將非弥勒菩薩越三界菩

薩文殊師利菩薩不空見菩薩為是

修習大乘之人乃能示此神變之相

尔時阿難問目連言世尊說汝於聲

聞中神通變化為第一今此通變

非尔為耶目連答言長老阿難汝問

何緣有是神通如此變化非我所為

長老阿難我所能者以此三千大千

世界內冒口中無一衆生覺知相

復次阿難我遊梵天發言音響遍聞

大千如是阿難我在佛前作師子吼

能以須弥內置口中若經一劫若過

一劫阿難我又住彼炎天言語音聲

此間世界皆悉聞知

長老阿難我能移於天神堂閣置閭

浮提而不動搖又告阿難我能降伏

惡性毒害難陀龍王優鉢難陀諸龍

王等又能摧靡弊魔波旬復次阿難

我往東方過三千大千還住第三世

界之中彼有大城号曰寶門九有六

万億千家属令彼家家皆見我身復

能使此諸衆生等聞說无常苦空之

音復次阿難我實有此諸妙神通未

曾示現我今處在蓮花之座悉見諸

方一方分有阿僧祇无数如來皆

名釋迦牟尼世尊處處僧坊右脅而

卧親佛刹土有如是相猶我天眼見

千世界若斯相貌是誰神通時目捷

連即說偈言

善修軍勝 獲四神足 今我神通

無與等者 唯除自然 世間之師

我今住此 閻浮提界 勤彼東方

諸佛刹土 帝釋宮殿 諸姊妹等

覺此震動 皆悉驚悚 我能含吐

諸佛刹土 大海山川 城邑聚落

難陀龍王 及跋難陀 如斯族類

性甚毒害 我之神力 悉能摧伏

我住梵宮 言語之音 令此世間

皆悉聞知 能住佛前 吞須弥山

經百千歲 乃至曠劫 住炎世界

凡有聲響 使此刹土 莫不聞之

我往寶城 變身普現 遍在六万

億千之家 我於此生 未現斯變

阿難當知 吾今所見 善哉奇特
靈化神通 我自見身 及諸衆生
悉共坐此 寶蓮花上 歷觀十方
大威世尊 我從昔來 未見斯端
不疑如來 自然神變 或是菩薩
威神之力

尔時長老目捷連說此神通師子
吼時十千衆生皆得人身遠塵離垢
獲法眼淨尔時阿難問舍利弗如來
說汝智慧第一今此神變將不汝耶
答言阿難非我為也我所能者二十
年中常勤修習毗婆舍那行住坐卧
正念觀察其心澄寂曾无動亂分別
顯說無量諸法方便精求不出法界
唯有如來乃能究盡長老阿難汝頗
知不若我以安置於大地目連雖有
自在神通盡其勢力不能令動長老
阿難汝今當知我於佛前作師子吼
諸大聲聞具大神通三果學士天人
魔梵阿修羅神沙門婆羅門一切閻
浮外道異學尼捷子等來在會中若
能自知身无我者我今當以三摩跋
提決定為之師子吼說大丈夫說不

思議說唯除世尊一切知見弥勒菩薩
一生補處住无生忍菩薩摩訶薩
海德三昧菩薩摩訶薩善建德三昧
菩薩摩訶薩諸佛現前三昧菩薩摩
訶薩大德聲聞今可問我如此身者
何者是我為可見耶不可見耶又問
異學諸外道等汝所計身有神我者
為是過去為當現在長老阿難我如
是相種種神通變化非一聲聞緣覺
所不能知亦不能見何者是我所言
我者為住何處問如是聲長老阿難
吾常精勤修文夫業亦復恒習知解
之行我今更有心自在力我能伏心
心不伏我長老阿難吾見自身及以
天人坐大蓮花又見諸方在在處處
無數難思阿僧祇界觀佛世尊坐道
樹下大能天子請轉法輪吾當隨順
聞如是聲我眼悉見諸世界中種種
諸蓋幢幡花鬘如我即時見此忍土
長老阿難我心念言為是世尊作此
神通大德聲聞之所為乎菩薩往昔
曾種善根今獲如斯變化果報時舍
利弗即說偈言

如來不思議 如是佛功德 若有善逝衆
神通廣難思 及諸佛弟子 有學无學衆
於此刹土中 我智最第一 唯除諸菩薩
信念深固者 長老阿難陀 我慧无等雙
現在及未來 無能見過者 除世調御尊
及趣菩提人 我恒勤修習 毗婆舍那行
滿足三十年 觀察一切法 精心方便求
未曾得邊際 我所有智慧 不可得稱量
我以智慧力 現在於佛前 能師子吼說
唯除異學人 及行聲聞乘 求我真實者
若我現神通 飛騰虛空時 此刹無人不見
吾之所遊處 聲聞亦不親 唯除世間雄
獨別兩足尊 及以善逝子 如是諸人等
知我之所在 外道衆邪見 悉非其境界
心常自在轉 憚悅不思議 若有大士業
修習深空行 長老阿難陀 我現此神通
一切聲聞衆 終不能得知 奇哉於今日
悉觀十方佛 我在於北座 明見諸刹土
建列不思議 寶幢妙花香 一切世界中
變化不可稱 長老我心念 不疑是世尊
威德善逝衆 種種變化事 或是不空見
菩薩之所為

是舍利弗師子吼時一万三千諸衆

金佛三昧經第二卷 第八段 畢

生等速塵離垢得法眼淨時大迦葉亦在衆中阿難心念是大迦葉威德具足神通自在今者變化將非已耶於是阿難問迦葉言此之靈奇是大德乎迦葉答言斯神化相非我所有吾以智力悉能分別顯亦一切長老阿難我今住於世尊之前作師子吼能以三千大千世界其中諸水江河溪壑泉源池沼百千萬億無量巨海一切水聚吸置口中悉使枯涸令諸水性魚龍之屬都不覺知亦无惱害長老阿難汝今當知我於佛前諸天世人梵魔沙門一切衆中師子正說無畏之言我力能吹須弥山王大轉輪山雪山山王乃至三千大千世界一切諸山皆成微塵依此山者都不覺知長老阿難我能如是得此自在神通之加復次阿難我又能吹三千大千諸世界中一時皆成猛炎熾火譬如劫燒將盡之時一切衆生亦不覺知又無燒害熱惱之者又不生念燒刹土想我神力相具足如是長老阿難吾住此間天眼遠矚東方

金佛三昧經第二卷 第八段 畢

世界億百千刹諸佛國土始處處燒終同一次我既見已心生念言今當亦現神通變化即如其相以三昧力住此世界過於東方億百千刹能以一氣吹彼猛火悉令俱滅火既滅已從三昧起復更發大炎盛之火長老阿難我神通相及波羅蜜如是滿足若有人天生疑不信世尊今者右脅而卧若從定起汝可往問唯佛如來能知此耳世尊于時於靜室中還語阿難大德迦葉說師子吼汝善受持余時人天阿修羅等皆共歎言奇哉上座摩訶迦葉師子吼時三億衆生皆得人身速塵離垢得法眼淨八十五百千那由他諸天亦皆離垢得法眼淨長老不空見菩薩弥勒菩薩文殊師利童子菩薩越三界菩薩如是无量諸菩薩等皆被堅固印誓之鎖聞大迦葉師子吼說以莊嚴花搏如須弥作此變化供養迦葉爰及一切聲聞之衆空中復化作七寶蓋一聲聞各各一蓋余時長老摩訶迦葉見是寶蓋語阿難言此衆決定大衆

金佛三昧經第二卷 第八段 畢

之行作是種種神變之事長老阿難我坐蓮花處處方所見佛世尊不可稱計阿僧祇數復覩諸刹七寶嚴淨淨色闍錯微妙无極其中衆生更相迎接悉見彼國豐樂之相譬如三十三天之上貪醉花鬘愛著璎珞諸天身色如月光明於虛空中有化寶蓋一一衆生各各一蓋亦如我今等無有異處處佛刹无量菩薩從兜率天降神母胎長老阿難我今所見奇哉遠行及師子吼此實非九之所能為如是瑞相現大神通余時長老摩訶迦葉即於衆中而說偈言阿難汝當知我以念定力現在於佛前以是三千界此佛之刹土一切諸巨海大小江河等无量種水聚我以神通故悉能吸彼水置之於口中雖皆令枯涸衆生無傷損不惱於水性此刹衆須弥黑山諸山等我住神奇力悉能吹散之我以聰慧智又用神通化令此佛刹土一切成烟燄衆生不熱惱亦無畏懼想我住於此界見彼東方國阿僧祇刹土悉為火所焚奇哉難思方今彼火即滅

既見諸神力如此自在行令無數佛刹悉无有毀損我處蓮花座見此諸刹土種種皆端妙殊勝剎儔正又觀兜率天菩薩降神時不疑諸善逝心遠自在者為是諸聲聞不空見菩薩為彌勒大士而有斯瑞相

尔時阿難心生念言是富樓那弥多羅尼子說法人中寂為第一今在此會有大神德決定諸法得到彼岸如是神通將非已耶我今當問即便自言唯富樓那如是瑞相大德為乎答言非也長老阿難我之神通調伏利益諸眾生故力能示現以手掌摩此之三千大千世界不令眾生有傷損者若有眾生樂神通力亦現翻覆大千世界譬如勇健巨力丈夫以指捻取迦利沙縣上下拋擲不以為難我以右手轉側三千大千世界亦復如是無一眾生有惱害者長老阿難若此三千大千水界我以手指一點取之悉著口中亦无眾生知覺想我於佛前作此神通

天眼於此三千大千世界歷觀諸方何者眾生於法疑滯當為除斷即以天眼觀諸方時處處見有四方世界其土廣大無數眾生迷於正法長老阿難我心念言不起此坐往破彼疑即如三昧清淨寂定調和柔潤正直之心斷彼眾生於法疑惑我於會中演說法時一一眾生謂在其前長老阿難夜既初分四方各有無數千眾悉得安住於聖法中三万眾皆受禁戒六万眾生歸依三寶從三昧起我如是相神通變化悉能斷除眾生疑惑長老阿難我能安住於此世界以淨天眼見於北方除慈國界從此佛土過三万刹有一眾生於法疑惑是世界中佛般涅槃應聲聞法之而化度我心念言當斷其惑不往彼處即於此坐還令眾生自然調順

長老阿難我今即時如定心相入此三昧無數眾生作法光明如是相貌我之聲聞諸波羅蜜皆已滿足若使有人於此眾中脫生疑網不信受者如未起時自可往問即於是時佛神力故虛空之中出大音聲阿難汝今如是受持如富樓那師子正說時諸人天阿修羅等皆歎奇哉實為希有聲聞神通相貌如此豈況如來真境界乎時諸人天作此讚已富樓那弥多羅尼子即於眾中而說偈言

我諸漏已盡決定到彼岸永脫一切生為世所歸依既入於眾數異佛神通力右手能翻覆天地山河等不令一眾生而有傷損者長老我神通勢力實如此若有三千界大千之水聚於此佛土中或見或不見我能以一指悉點肉口中不使諸眾生而有覺知想我於初夜時天眼觀諸方何者眾生等於法有受感當住神通力悉為除斷之我見一眾生於法墮疑網若有淳善心貪慕求法者吾不起此坐悉除彼疑惑四方千億眾我以淨眼施能令彼生信使發菩提心時有三万人從我受禁戒六万諸眾生歸依於如來其心得寂靜安住正法中我於初夜時示現妙神通一念於此坐歷觀東方周觀過千刹正降慈世界彼有一眾生心疑於諸法我住此佛刹

金佛三昧經卷第二 第二十五
彼人疑於法欲令見正路今定其違惑
長老我神通智力實如斯唯佛能哀愍
一切諸世間此處人不信可往問世尊
我今坐蓮花見彼佛涅槃處處方利土
閻維如來身及見佛珠特為是誰神力
又如我所見諸佛般涅槃廣達甚弘雅
不可得思議為是佛所作聲聞之人耶
余時阿難心生念言此羅睺羅是佛
之子有大威德神通自在今亦在此
大衆之中如是變化將非已耶阿難
即便問羅睺羅汝於戒學得到彼岸
此之神通汝所為乎羅睺羅答言非我
所作長老阿難我如是相種種百千
威德神力隨意自在為佛之子或隱
或顯未曾憶念不當在前亦未示現
長老阿難我能以此三千大千世界
之中百億四天下百億日月百億大
海百億須彌百億大小轉輪之山如
是廣大諸餘山等以四神足置一毛
端不令衆生有傷損者於四天下不
相逼迫彼此去來亦無妨碍吾之神
通自在如此長老阿難我能以此三
千大千一切水界大海江河溪澗池

金佛三昧經卷第二 第二十六
沼以一毛孔味置口中停流汭別本
相分明其中衆生適性不改水之盈
竭亦不覺知
長老阿難我住此土如定心相入此
三昧見東北方難生如來我在此剎
白淨王所揀取一把栴檀末香供養
彼剎一切諸佛其香芬烈乃至十方
難生世尊化作莖觀高十由延七寶
所成即在此處燒衆天香復於莖上
化作寶蓋其蓋足高億千由延縱廣
正等百千由延彼世界中一切衆生
皆共幻作栴檀樓閣其樓上高百千
由延縱廣正等五千由延如是無量
在寶蓋中各各莊嚴不相障碍長老
阿難瑞相如是我於聲聞具波羅蜜
或有生疑不能信者世尊告起自可
往問我師子吼如來證知時羅睺羅
即說偈言
長老阿難陀我以大千界百億四天下
及無數佛剎如是諸剎土悉入一毛孔
我神通如此元所譬類者世界甚廣大
不滿一毛孔各安去來業悉不見妨碍
我能如是示神力不虛行須彌寶山王

金佛三昧經卷第二 第二十七
及大小轉輪復有諸餘山皆入一毛孔
以我神變力彼此不相碍長老我如是
示此神奇相悉見入毛孔而身不疲憊
我又神足力以此大千界江河大海水
吸內毛孔中而此佛剎土一切大水聚
當入毛孔時區別不渾亂我在善逝前
亦現於神通若疑不信者往問普眼尊
我處蓮花坐見十方菩薩頭目及妻子
施以求菩提奇哉我所見實生希有心
不疑於世尊所作之神變為諸大威德
善逝聲聞衆為是不空見彌勒菩薩等
長老羅睺羅師子吼時八十七億百千
那由他諸天人等得法眼淨是諸天
等見法到法選擇衆法明了於法如
是相親當設供養以天栴檀細末之
香以用奉散羅睺羅上奇哉佛子離
垢清淨住大乘行深妙之法能演師
子殊妙之音善哉羅睺羅未來之世當
師子吼猶若今日
余時阿難心生念言此須菩提阿蘭
若行取為第一而無等雙今是大德
在此會中世尊常說此須菩提能作
種種无量神通阿難即問須菩提言

如是變化將非汝耶答言長老若我所為我能常樂不捨閑處如彼定心入此三昧以是三千大千世界置一毛端極微之分周迴旋轉如陶家輪其中衆生無覺知者

長老阿難我於佛前能師子吼正說无畏吾以一氣吹此三千大千世界悉令燒盡不使衆生二月熱惱想我會亦現如此神變能在佛前說師子吼以此大千世界衆生置一指端上昇虛空披此寂然无諸音聲不相觸尋及覺知者

長老阿難我之所能如彼定心入此三昧以清淨眼一時瞞對八方上下六万諸佛一方中又觀六万大千世界諸佛如來彼處次第見元前後長老阿難我如定心如其相親作神通行住此間浮須弥山頂釋提桓因所居天宮揀取一把栴檀末香俱時遍散十方諸佛紛綸弥漫以用供養我住此剎見彼衆生恭敬尊重讚歎如來彼土衆生悉知我是釋迦如來應正遍知聲聞之中空閑第一長老

阿難我之神通如是相貌究竟彼岸若此人天於我生疑有不信者往問世尊如來自當知此三昧時佛神力於虛空中震大音聲告阿難言如須菩提正說師子無畏之音汝可受持時諸人天梵魔沙門一切閑浮阿修羅等既得法利生希有心驚愕毛豎歎言奇哉聲聞神變乃能如此豈況如來種種神力無數三昧真實者哉時須菩提知諸人天已得法利即說偈言

世間師稱我阿蘭若家勝安住禪解脫現無量神力長老阿難隨我能以大地置於一毛端旋之而不危亦如陶家輪雖轉不傾側又於世尊前破碎一切地及以諸山岳無有損傷者我住神足力威勢皆如此我能以手掌摩刹及衆生安置虛空中從上次第下亦无一衆生驚疑怖畏者我入三昧時見彼東方佛其數有六万南方亦復然我復見西方六万世間尊北方及上下斯數亦如是及觀衆樓閣妙絕无等倫以少栴檀末供養諸世尊我實有若斯無垢神通行

能大師子吼及諸示現等不能深信者可往問如來我无衆生想亦无无生想無佛无法想一切無相故

菩薩念佛三昧經神通品第四

尔時弥勒菩薩摩訶薩心生念言是諸聲聞有大威德無數神通通各各自說大師子吼我當於此人天魔梵沙門婆羅門聲聞菩薩大衆之前微現神變即於是晨朝語阿難言大德今可正衣持鉢共往佛所到已頭面礼如來足白言世尊我今欲入王舍城中分衛乞食世尊知時默然而許於是弥勒告阿難曰我向心念初受食處於此衆生先當令發無上道心然後乃取此人飯食大德阿難我已發意今便共行入城乞食詣大長者婆羅門家到已持鉢默然而住長者見已即便白言善來比丘久望慈顧願聖今者受我蔬食弥勒菩薩語長者言我今未能受尔供養汝若能種无上菩提善根因緣當受汝食是時長者即自弥勒若能以我所施之食供養恒沙諸佛世尊然後乃當

金佛三昧經卷第二 第三十

發菩提心決定大乘真實之行所以者何我於先佛種善根故時阿連多答長者言若能安住如是普願我當以食供養恒沙諸佛世尊皆使同遍長者復言唯然仁者我當真實發大普願願以此食供養恒沙諸佛世尊悉令同普如是三白尔時弥勒語長者言汝今便可時施所供當以獻上恒沙諸佛

尔時長者即以名饌奉授弥勒弥勒受已於長者前一念之須忽然往彼恒沙佛所供養周遍奉設既畢還長者家長者見是神通之相歎言希有踊悅無量我今復應種諸善根奉施甘果餽饌美味嚴飾牀座皆悉豐足長者復持一切珍寶香花花鬘金衣素疊俱共往詣至如來所到已頭面敬礼佛足於如來前發菩提心又立大願而作誓言若有衆生修菩提行聞我施食善根因緣一切當得無上菩提若吾斯願誠諦不虛必當獲得阿耨多羅三藐三菩提時無數菩薩及諸聲聞一切大衆咸來集者此之

金佛三昧經卷第二 第三十一

三千大千世界即時應當六種震動發是普已大千剎土便大起踊具十八相是時長者語阿難言大德今者現為我證若不信者問於世尊神通相貌具足如是我今未得上菩提自在變化已能如此

弥勒菩薩語阿難言我憶過去阿僧祇劫造光佛所修得少分諸佛如來所行三昧獲是定已見於東方元數諸佛各住彼剎以三昧力於無量劫方便度脫不可計衆得阿僧祇神通變化住於阿耨多羅三藐三菩提道猶今王舍婆羅門也大德阿難我於往昔蓮花上佛應正遍知所以一神通化度三万億那由他百千衆生住无上道大德阿難我於往昔衆高如來應正遍知所得普世定度脫六万欲界諸天發菩提心我具如是神通相貌時阿連多即說偈言
正服持應器 往詣能仁尊 頭面礼佛足
自言行乞食 佛即許其去 當廣利衆生
吾般涅槃後 汝應大作佛 名譽及功德
一切皆具足 我時心念言 今日行分所

金佛三昧經卷第二 第三十二

若初施食者 令住三菩提 時彼大長者見我行乞食 即便從坐起 恭敬意无量善來阿連多 希現乃如此 今來一何晚唯願前坐食 大士法難思 當設妙微饌長者汝若能 為利諸人天 發無上菩提我當受汝食 即時若能尔 我當立普願阿連汝即時 能以所施食 奉獻恒沙佛悉令同遍者 然後我當發 無上菩提心長者若定能 作此真實誓 施於恒沙佛願得大果報 我今保此誓 建立必不虛持鉢受食已 普供人中尊 修行菩提道利益諸衆生 阿難是長者 見我神通事心敬大歡喜 歡仰未曾有 其心即安住無上堅固願 復施珍果饌 嚴飾妙香花素疊及名寶 種種衆妙供 共我詣如來深發菩提願 長者發誓已 更作廣大願其願無限量 不可得思議 衆生若聞者此刹成佛道 造光如來處 得此微妙定諸佛之所說 施不思議樂 造光世尊所獲得此三昧 尔時我悉觀 十方諸如來若得大威力 乃能見是事 安住此三昧不現諸神通 百阿僧祇劫 修習種種行刊悉諸衆生 未曾有休息 蓮花上佛所

得是三昧。我以種種化七十千衆生。皆悉令得修無上菩提道。寂高如來所專修諸梵行。得微妙三昧。施不思議樂。寂高善逝處。又得普世定。今時復安住。月出三摩提。迦葉如來所得是深三昧。大德我如此。亦現神通時。攝取於往昔百千世神通。若住此威勢。能作種種化。我亦見諸佛。現作如此行。若有欲樂見諸佛世之師。復有欲願聞法輪深妙音。亦樂拔世間一切生死苦。當勤受持此清淨三昧王。

今時諸天世人魔梵一切閻浮及阿修羅聞阿逸多師子吼已生希仰心。歎未曾有。

菩薩念佛三昧經讚佛音聲辯才品第五

今時不空見菩薩摩訶薩。即從三昧座序而起。時諸天龍神魔梵沙門婆羅門阿修羅等一切世間皆悉讚言。異哉至法時不空見。告阿難言。妙哉諸佛實為希有。世尊大悲元不具足。故名如來。應正遍知。獲得無上菩提之道。知一切法無生。无行無得。无失。波羅奈國仙人。鹿苑三轉十二行。

無上法輪沙門婆羅門諸天魔梵一切世間無能轉者。所謂是苦是苦集。是苦滅。是苦滅道。入聖道。分無數章句。无量諸相。無限行處。如此義味。讚誦解說。分別數指。无不具足。時不空見復告阿難。善哉諸佛大悲。滿足故名如來。應正遍知。得是無上菩提之道。今此大會諸聲聞衆未曾聞法。當令聞之。先所未說。今當為說。不思議法。當思議說。所未得法。今當使得。未學之法。今得修習。無相之法。作有相說。略說少法。發悟知多。今告此衆諸阿羅漢。畢竟作證。无著真人。永得解脫。無始生死。

阿難當知。譬如有入。以一把麈投恒河中。謂能以此。斷彼駛流。此人所作。為難不耶。阿難答言。如是甚難。時不空見語阿難言。諸佛如來。應正遍知。得無上道。為諸聲聞說。未聞法。倍難於彼。復次阿難。譬如有入。生無口舌。聲震恒沙一切世界。此為難不。阿難答曰。如是甚難。不空見言。諸佛如來。應正遍知。得无上道。為諸聲聞。不思

議法作思議說。尤難於彼。復次阿難。譬如有入。指虛空中。亦種種色。為難不耶。阿難答曰。如是實難。不空見言。諸佛如來。應正遍知。得無上道。令諸聲聞。所未得法。今當令得。彌難於彼。復次阿難。譬如有入。无有手足。及呪術力。摧頽弥山。或欲履水。或持浮木。渡於大海。此為難不。阿難答曰。如是甚難。不空見言。諸佛如來。應正遍知。得無上道。為諸聲聞。以无相法。作有相說。以未學法。作有學說。又難於彼。時不空見即說偈言。

諸佛不思議。深行大慈悲。常施法光明。相繼恒不絕。無數那由他。億劫甚難見。无比最勝尊。未聞當令聞。有為緣起轉。無實恒虛偽。畢命常无生。一切法空故。諸佛所行慈。不可得思議。佛說所未說。如此難見法。利益諸人天。普及於一切。諸如來深解。不可思議法。能為聲聞衆說。有思議法。佛說無相法。能作有相說。外道癡所迷。不識生死源。如來既知已。皆悉令摧伏。住十力敷演。未得法。今得世尊真寶說。利益諸人天。欲以一把麈。

◇高麗大藏經◇

一七四

斷截恒河水 長老此雖難 未足稱為難
世依說无生 斯難過於彼 若人無口舌
聲震遍諸刹 雖復能如此 不足以為難
未學令得學 是則寂寥難 若人指空中
言有種種色 誠能為此事 豈足稱甚難
未得法令得 我說取為難 若人無手足
擔負須弥山 欲渡於大海 未足以為難
無相說有相 此則倍難彼
菩薩念佛三昧經卷第三

已亥歲高麗國大藏都監奉
勅彫造

菩薩念佛三昧經卷第三

宋天竺三藏功德宣譯

讚佛音聲辨才品第五之二

時不空見復告阿難諸佛世尊希有
殊特於阿僧祇無量諸法決定究竟
到於彼岸故名如來應正遍知戒定
慧解脫知見等眾一切法相无取著行
建勝寶幢出一大音若有眾樂聞
施惠得解脫者即生念言如來為我
說施利益若有眾樂聞禁戒得解
脫者即生念言如來為我說戒饒益
若有眾樂聞三昧得解脫者即生
念言如來為我說於三昧若有眾樂
樂聞智慧得解脫者即生念言如來
今者為我說智若有眾樂聞解脫
得濟度者即生念言如來今日為說
解脫若有眾樂聞解脫知見之者
即生念言如來為我說於知見若有
眾樂聞於生天得解脫者即生念言
如來為我說於生天若有眾樂聞
無常得解脫者即生念言如來為我
說於无常若有眾樂聞說言而得

此三昧經卷第三 第五之二

解脫即生念言如來今者為我說苦
若有眾樂聞无我得解脫者即生
念言如來今者為說無我若有眾樂
樂聞寂滅得解脫者即生念言如來
為我說寂滅法若有眾樂聞不淨
得解脫者即生念言如來為我說不
淨法若有眾樂聞無上道得解脫
者即生念言如來今者為我讚歎諸
佛功德說大乘法无一眾生聞如來
說如此法已不解脫者時不空見即
說偈言

此聞調御師 於眾中演說 戒定慧解脫
解脫知見等 如是一切法 宣說皆作佛
樂聞說施戒 而得解脫者 各聞世間依
數施戒功德 樂聞說定智 解脫功德者
即聞佛世尊 演不思議音 樂生天解脫
牟尼即為演 樂聞智慧者 天中天今說
樂聞无常苦 無我不淨說 寂滅等諸音
而得解脫者 即時便得聞 不可思議聲
若有欲樂聞 辟支佛功德 善逝今便為
說斯緣覺衆 聞佛諸功德 如此解脫衆
世尊說法已 眾生求菩提 如此一切音
不可得忘識 佛所宣諸法 利益於世間

既蒙解種種清淨之妙聲 即時悉皆發無上菩提心

時不空見復告阿難諸佛世尊殊特布有成滿一切無數善報故名如來應正遍知親近供養无量諸佛布施調伏一心寂定今得無上菩提之道具足成就無數辯才釋迦如來得無量辯寂無上辯無能答辯无取者辯勝解脫辯無罣碍辯成就性辯成教化辯施无熱辯有無問辯豫知之辯若有相辯若无相辯靜然然辯能除惑辯種種章句及名字辯甚深句字及宣亦辯宣亦甚深調柔之辯无量譬辯無問答辯具足定辯具廣大辯具難思議辯具開敷辯具清淨辯具无毀辯具足聰慧無毀損辯具心無著辯具心无妄辯具足無失字句之辯具無盜辯具无妄辯具足開發說法意辯具足說法開發煩惱生淨心辯具足親近說章句辯具說過去辯具說未來辯具說現在辯具說希有辯具足無生勝妙智辯具足一切大衆喜辯時不空見即說偈言

昔已曾至心 供養无量佛 是以人中尊 今得無上道 不思議善報 阿僧祇諸辯 无尋問發辯 佛得此衆辯 無上解脫辯 成就教化辯 廣宣諸相辯 有問无問辯 種種說甚深 隨順譬類辯 清淨難思音 具足妙說辯 淳淨義成就 決定衆相辯 不思及不退 無卑无下辯 善哉明慧人 无者無毀辯 不失字章句 无妄攝樂辯 能斷煩惱心 不忘十力辯 寂上及親近 宣說三世辯 若聖與不聖 如此隨順辯 無速无生等 近聽遠聞辯 說善遊功德 音聲清暢辯 若人以一毛 點取大海水 可知其數量 能令乾竭盡 無有知諸佛 如來大勝辯 或有量虚空 能知其邊際 能稱須弥山 亦可識斤兩 如來智辯力 无能摧伏者 雖復歷劫數 不測如斯辯 時不空見復告阿難長老當知諸佛世尊大梵音聲師子音聲雄猛之聲龍三音聲弦聲歌聲柔軟好聲大小雷聲不思議聲无量妙聲無邊勝聲滿足音聲不退之聲迦陵頻伽聲清淨歡喜聲如來分別聲如來識了聲如來甚深聲如來無毀聲如來不却

聲如來清微聲无衰無損聲如來美妙聲如來最妙聲如來无不美聲如來廣具足一切功德聲是處說如來應正遍知以一音聲令一世界其中衆生皆悉樂聞

又以一音令二世界其中衆生亦願樂聞如是一音乃至百千万億那由他無邊世界其中衆生樂聞亦然彼處衆生聞如來聲如是解了如是識知皆言如來為我說法如是阿難諸佛如來不思議音利益之聲譬如日輪照閻浮提有目衆生皆蒙慧利如是如來應正遍知音聲法輪清淨微妙濟拔一切亦復如是長老阿難譬如初春十五日夜月輪圓滿清明澄照无諸霞翳閻浮提人皆出遊觀得恣歡娛緣月盛故如是如來應正遍知音聲法輪清淨微妙衆生所以得利益者緣遇如來法光明故長老阿難譬如衆川江河溪壑巨細諸水悉入大海皆成一味而此一味具足衆味亦有元量諸妙珍寶人及非人雖貪此寶大海深廣難可得渡如是如

金佛三昧經卷第六

來應正遍知清淨音聲法輪難令諸衆生得法實利无量安樂亦復如是長老阿難譬如大地開發種子生長萬物利益衆生無不豐滋聚落城邑帝王京畿一切境界皆依此地如是如來應正遍知音聲法輪清淨微妙極致一切無量衆生悉令歡樂亦復如是長老阿難譬如虛空世間去來無所妨碍而此虛空能安樂物如是如來應正遍知音聲法輪清淨微妙饒益一切亦復如是長老阿難譬如三十三天上波利質多拘毗羅樹花葉芬敷諸天遊觀莫不歡適如是如來音聲法輪清淨敷演一切法聲甘露利樂亦復如是時不空見即說偈言世尊梵王音闍浮提第一師子雄猛聲及以大龍聲絃竹調軟音十方不思議鐘鼓雷吼聲无边普震聲佛土滿足聲未曾衰減聲迦陵頻伽聲受順歡喜聲聖喜無濁聲教典无教聲甚深無為聲无譏毀謗聲難見善分別句字之音聲無諸衰損聲美妙普遍聲无有繫縛聲及无遺忘聲一切功德聲世間依所說

金佛三昧經卷第六

能以一音聲遍滿一切界調伏群萌類歡喜悉樂聞皆云今如來獨為我說法如來以一音乃至恒河沙無量世界中衆生皆樂聞譬如出暉明照耀一切物世尊如是音為衆演說法初春十五日滿月光澄淨如此明月輪遍照闍浮提皆令得歡樂利益亦无邊世依猶斯月觀者無不欣清淨妙音聲能為利一切闍浮提衆上不可得思議如大海无边衆寶之所出深廣難可濟饒益一切衆大勝佛如是衆上無過者有教无教等音聲甚難解清淨无所毀能施一切樂於此三千刹安置一切衆佛音聲如是利物難思議虚空無罣碍能通諸飛行世尊音如是廣潤一切衆如天香花樹敷榮善利益如來諸音聲具足益世間我於一劫中說佛聲功德雖復歷百劫不測其始終諸佛亦如是不可思議音十方諸衆生異口无邊辯說佛聲功德不能盡其際世間依如是不可思議音若有諸水陸一切衆生等假令悉得佛不測聲涯底諸善逝如是不可思議音如此調御師音聲無異足若能隨順念

金佛三昧經卷第六

終不墮惡趣若有諸菩薩聞佛具足音當得佛法王不思議音聲時四天王釋提桓因焰摩天子兜率天子自在天子及大自在并與其子名曰商主大梵天王淨居諸天復有大力威德諸天欲色二界諸天子等聞不空見菩薩所說佛聲功德歎未曾有以天栴檀細末之香散不空見菩薩摩訶薩乃至十方供養已畢時有六十億百千那由他欲色諸天聞此音聲皆種無上菩提善根五千比丘亦發无上菩提之心被弘誓鎚七百萬諸比丘尼發無上心及弘誓願百千優婆塞從花座起詣不空見大菩薩所復有二億百千那由他諸女人等各脫身上珠寶瓔珞奉不空見菩薩摩訶薩亦發无上菩提大願菩薩念佛三昧經讀如來功德品第六

金佛三昧經卷第六

六通到於彼岸若慈大悲若悲大悲
 若喜大喜若捨大捨取勝無倫到於
 彼岸威儀神通一切諸法取勝無尋
 到於彼岸若處非處亦導諸方利益
 軍勝到於彼岸及舍摩他毗婆舍那
 軍勝無比到於彼岸一切禪定解脫
 三昧三摩跋提軍勝無上亦到彼岸
 無貪無嗔無癡無慢無憍無過無有
 慢慢無惑無志度脫五道四毗舍羅
 此或言施戒法 眾主善根業報論議軍勝
 無等到於彼岸一切眾生戒聚不斷
 不漏不濁無雜無言慧明清淨勇猛
 殊勝沙門婆羅門人天魔梵一切世
 間之大法主無一眾生能測如來戒
 定之分如毛毳許更無有人能超過
 者長老當知應如是觀我能究竟虛
 空邊際不能度量諸佛世尊戒定智
 慧解脫知見所以者何以無邊故如
 來戒定神通諸法非是淺識之所思
 議深不可測無能窮者時不空見即
 說偈言

世尊生死盡 住胎難思議 法性以為母
 不可得為比 具足善功德 世間无能及

◎菩薩念佛三昧經

身相三十二八十種妙好 世間巨思議
 攝取諸善業 妙哉人中尊 具足善趣出
 若捨及大捨 煩惱心解脫 方便諸勝業
 滿足無與等 具足戒定智 解脫知見分
 諸佛法元邊 六通到彼岸 如來具慈悲
 喜捨諸行處 能解眾生縛 拔濟種種苦
 諸佛深智眾 不可得思議 威儀無等比
 神通到彼岸 無諸煩惱行 善解於真諦
 若處及非處 利益悉具足 定解脫如此
 不可得思議 善解舍摩他 毗婆舍那等
 已到世所無 永離諸惡心 善學字定解脫
 除滅愚癡患 淨戒不斷絕 不漏亦不濁
 善學戒無失 勇健明哲人 無有一眾生
 而懷疑謗心 沙門婆羅門 人天及魔梵
 心信不懷疑 常善學清淨 我能知虛空
 四方廣大相 不能測勇猛 无上清淨戒
 能以一氣吹 海水令枯涸 不能測如來
 清淨法明戒 能以一氣吹 須弥令碎盡
 大小轉輪山 亦復成粉塵 不能測如來
 淨戒之崖際 雖復歷劫數 不能得其量
 時不空見菩薩心生念言善哉如來
 應正遍知願屈感神降臨兜率會我今
 欲為諸菩薩等請問如來念佛三昧

世尊先於大眾之中雖說其名竟不
 敷演便入靜室右脅而卧尔時世尊
 即知其念佛神力故令此三千大千
 世界六種震動具十八變亦如前說
 放大光明普照此土娑婆世界日月
 星宿欲界諸天無邊恒沙眾梵天等
 其明隱蔽悉不復現唯佛神光顯耀
 殊特慈眾生故即從卧起齊整衣服
 往大會所時諸世間人天沙門婆羅
 門等及阿修羅各見如來殊勝光明
 從花座大往詣佛所恭敬合掌却住
 一面
 時不空見遙觀佛來容色端嚴威儀
 庠序仰瞻相好無不具足見已即告
 長老阿難世尊今從靜室而來必當
 敷演顯發軍勝第一義諦无虛妄說
 巧妙宣說無分別說善能思量不起
 惡業身業无毀口業無譏意業无失
 三業皆淨戒定智慧及以解脫解脫
 知見亦悲具足無上方便神通利益
 不思議辨殊特具足善知生死無能
 過者住胎清淨母族豪勝眾善功德
 眾為具足不可思議相好具足往昔

金佛三昧經卷第三 第三十

因緣及意具足煩惱解脫心得具足若捨大捨超出具足五識無取離染具足五分法身清淨具足究竟已到六通諸法及法性相皆到彼岸毗婆舍那及舍摩他根力覺道到於彼岸慈悲喜捨不可思議深心慙愧到於彼岸已至諸法自在彼岸過去未來現在諸法皆悉知見不著不退能知一切過去身業亦知轉變到於彼岸口意二業亦復如是

長老阿難如來世尊一念能知一切衆生心行善惡莫不了達時不空見告阿難言譬如大海深廣難渡諸佛戒品淵曠亦然譬如須弥永不可傾如來定品難動亦然長老阿難譬如虛空清淨容納无有界限諸佛三昧攝取無邊清淨智品又攝一切衆生淨心長老阿難譬如日光悉能照無量色像如來法光無幽不燭長老阿難譬如大火焚燒山野一切衆物如來法火能燒衆生无量煩惱永得清淨長老阿難譬如涌泉盈流出外成於洲池能洗万物皆令潔淨如來

金佛三昧經卷第三 第三十

法水亦除衆生一切結累常得獲安長老阿難譬如醫王善療衆生種種疾患如來法藥能消衆生生死重病皆使永除長老阿難譬如時雨潤益卉木無不增長如來法雨亦潤一切枯槁衆生長老阿難如師子吼能使衆獸皆令慍伏如來法音能壞衆生計我見者永得遠離長老阿難譬如大船能濟彼岸如來法船渡諸衆生四流彼岸長老阿難如優曇花希有難見如來出世亦復難遇長老阿難譬如波梨質多羅樹其花敷榮馨香殊特佛大人相明發亦然長老阿難譬如父母能育諸子如來亦亦善利衆生長老阿難若人說言如來出世無邊正說是名真說若人說言如來出世說不思辯是名正說

長老阿難略說如來有无邊辯無取著辯无量辯勝解脫辯成就妙辯常隨順辯漸親近辯有無間辯微妙淨辯寂上辯慈大慈辯悲大悲辯喜大喜辯捨大捨辯佛出世辯又利益辯長老阿難若人說言如來出世具

金佛三昧經卷第三 第三十

足利益一切衆生是名正說長老阿難若人說言衆生無安无救無歸无趣無主如來出世能作安救及歸趣主是名正說

長老阿難我若一劫或至百劫宣說諸佛世尊功德智慧辯才億不及一又於無量一切諸劫宣述如來應正遍知功德辯才不能窮究長老阿難譬如有人羸老癯瘠住他人所語彼人言奇哉丈夫我雖如此能以一毛點取一切無量諸水內置口中悉令枯竭此人既无神通呪術能為斯事為可信不阿難答言此為難信不空見言實不能也徒空言耳如是阿難我說諸佛功德辯才不能窮極猶如彼人無竭水理長老阿難假使我於億百千劫由他劫不能宣說諸佛功德智慧辯才一毛之分唯佛與佛乃能盡耳長老阿難如此大地容受衆生乃至有足及以無足四足多足有色无色有想無想非有想非无想若此世界若他世界若千世界百千世界無量无边一切世界其中衆生當

金剛三昧經卷第三 第十五

得成佛是諸世尊於億百千由他
劫說佛功德不能窮盡二毛之分如是
功德無不具足時不空見而說偈言
長老阿難陀法王從彼來一切諸世
無不與供養勝炎光明主功德皆無
軍勝利益說真說不生說諦說无妄
無異及善說出微妙音聲大智善宣
身口意清淨不緣慮諸惡如來勝戒
第一智解脫解脫知見等威儀常難
無上神通智利益軍无比善得無垢
軍勝微妙辯无上人中尊具足知生
住胎既無比母族亦復然不思議殊
八十種妙好容色甚挺持端正无有
具足無感心捨大捨亦亦超出一切
五識无不具證智超六通具足四無
備无量知見難思眾神變含摩毗婆
皆悉度彼岸達捨離垢主威儀恒自
眾中大神王徐行從彼來無著修伽
住於十力智行慈演法光一切勝智
能知大海水無邊深廣量不測无上
淨戒定崖畔雖歷億千劫不知其限
以手接須弥上擲至梵天不能動如
寂初甚深定遊觀虛空中可知其邊際

金剛三昧經卷第三 第十六

無有能測度如來不毀智能以足履虛
窮極其限量不能測離垢棄累人中尊
如日能除闇悉見善惡色自然世間師
能滅愚癡瞋瞋如月威滿一切皆欣樂
法月光明王觀者皆歡喜如夜然明燈
有眼無不見調伏无比燈能演法光明
世師法燈炬善滅一切陰宣說自然法
普聞於眾生大智勝賢王猶如涌流泉
法藥消眾病能施一切樂譬如大龍王
普降於甘露能令此大地一切皆霑洽
大悲哀世尊法雨亦如此譬如師子吼
綿動皆怖畏如來震法音降伏諸外道
譬如大牢船能運載一切佛度多億眾
濟彼四流岸譬如優曇花奇哉稱希有
人中尊難遇乃復過於此一切諸世間
常所歸依處如天喜見城婆梨質多花
芬敷垂光綵諸天所遊樂世依踰於彼
相好甚微妙世尊已為我示現諸神變
我今少宣說諸佛之功德以我所修業
以施利眾生
菩薩念佛三昧經如來神力證說品第七
今時世尊以金色手摩不空見菩薩
頂上出廣長舌而告之言善哉善哉

金剛三昧經卷第三 第十七

汝不空見善說如來應正遍知真實
功德信如所言又不空見若人說言
无安無救无歸無趣元主眾生如來
出世能為如是諸眾生等作安作救
歸趣主者是名正說又不空見若人
說言如來出世說不思辯及无边辯
是名正說又不空見若人說言一切
眾生深著貪欲瞋恚邪見如來出世
志能除斷貪欲等病是名正說又不
空見若人說言一切眾生嫉妬纏垢
之所著若如來出世悉令除斷是名
正說又不空見若人說言一切眾生
無慙元愧如來出世能使眾生慙愧
具足是名正說又不空見若人說言
一切眾生深著慳慳若如來出世悉能
除斷今元慳慳是名正說
又不空見若人說言一切眾生無慈
元悲無喜无捨不善惡念如來出世
悉令具足四無量心利益善念是名
正說又不空見若人說言一切眾生
無諸善根如來出世教化一切令種
善業是名正說又不空見若人說言
五濁惡世眾生生病增如來出世能作

金佛三昧經第三卷 第七條 下

安樂此人所言即是我說所以者何
我出惡世說法利益諸衆生故亦時
如來摩不空見菩薩頂時於一念頃
此界衆生承佛神力悉見東方清淨
刹土無量无边阿僧祇佛及聞諸佛
說法音聲如是南方乃至十方如觀
掌中菴摩勒果一切衆生悉皆見彼
清淨佛刹又一念頃如來世尊應正
遍知以金色手摩不空見菩薩頂已
以佛威神亦現往昔寂勝願力即見
上方清淨佛刹元量无边阿僧祇數
已滅度佛又復受持三昧力故得見
未來一切諸佛時不空見觀諸佛已
即從坐起齋整衣服右膝著地合掌
恭敬白佛世尊而說偈言
三千大千水人或知其限 善調御世尊
戒品不可量 假使曠劫思 不能測其岸
如有勇健士 一吹震須弥 佛入初禪定
千劫不能動 足履虛空遊 能知其邊量
縱使窮劫中 不能度佛智 虛空無形量
狂風亦能動 世尊无煩惱 莫能斷其辯
如日照虛空 其光甚明徹 大仙尊輝相
映蔽於一切 猶月星中寂 圓光甚可樂

金佛三昧經第三卷 第八條 下

如是法月王一切皆歸仰 譬如優曇花
世間所希有 調御天中天 難值過於此
今者大聖尊 哀矜摩我頂 金色百福嚴
憐愍刹一切 深解真實諦 功德悉具足
世依善宣說 言論人中上 敷演難思音
普聞十方界 自然尊慈念 以手摩我頂
得見恒河沙 寂勝世間王 人中大中尼
一念摩我頂 悉觀恒沙佛 猶如阿弥陀
天中尊利益 一念摩我頂 得見不動界
阿閼兩足尊 大悲所行處 一念摩我頂
得見滅度佛 一切世間師 大慈所行處
善調伏諸根 我乘普願力 即於摩頂時
得見未來佛 弥勒世依等 即摩我頂時
得見過去佛 亦得觀當來 十方難思尊
佛眼調伏尊 即時摩我頂 復因宿妙願
得見清淨刹 如來不思議 神通亦復然
智定諸功德 皆不可稱量 世尊慈悲故
哀愍見教化 如來金色手 以摩我頂上
得見十方佛 金塔如恒沙 復見十方界
無數諸如來 珠勝銀寶塔 亦拔種種色
百千衆伎樂 供養常不絕 我又見他刹
諸佛衆具塔 金銀及頗梨 各高一由延
端嚴甚微妙 不可以言宣 見諸牟尼塔

金佛三昧經第三卷 第九條 下

種種七寶嚴 住於虛空中 天花悉周布
又見殊勝塔 高十二由延 及觀燈明佛
淨光照諸刹 我復見慶慶 不思議衆塔
又觀餘勝尊 以手摩我頂 佛以柔軟手
一念摩我頂 見彼諸如來 安住於刹土
或復在空中 而現種種相 復觀諸菩薩
未脫衆惑累 在無量佛刹 修習諸苦行
日夜常勤心 以求勝菩提 又見慶慶有
無數諸菩薩 常能為衆生 作諸利益事
燒身發光明 以求道因緣 復見諸菩薩
安住於佛前 供養滅度佛 无量珍妙塔
以求菩提利 及以大威德 見十方法緣
燒身如燈炷 晝夜常修心 不懈於食息
又見諸菩薩 捨國城妻子 頭目及髓腦
為安樂衆生 我悉見彼此 普眼世間尊
威力得自在 不可以言宣 如我所知者
世間寂為上 天中天以手 哀摩我頂時
即得見彼衆 歸命人中尊
菩薩念佛三昧經不空見勸請品第八
尔時不空見菩薩摩訶薩白佛言世
尊如來慶室宴寂既久此會大衆皆
悲渴仰嚴座已訖唯願世尊哀愍一
切屈就斯座時不空見更正衣服合

掌向佛白言世尊今欲請問願少宣說我當至心聽受奉行佛告不空見恣汝所問當為決疑令介歡喜諸天世人亦當證知時不空見白言世尊菩薩摩訶薩親近修習何等三昧得見法樂增長其心所聞三昧曠如大海菩提之心安若須弥外道邪風所不能動於无尋法心亦無著猶如虚空无所染汙破無明闇亦如朝日施法光明若月威滿燒一切陰熾然猛炎焚諸煩惱之大火聚譬如江海一切諸水水性之屬依之而活又如大船能渡彼岸亦如橋梁能令眾生不墮生死煩惱駛流猶若波梨質多羅樹生諸眾生七菩提花悉能普薰十方世界如優曇花世所希有亦如良醫善療諸患大悲廣救應病授藥如栴檀樹能消熱惱

又如大雨潤施一切勝妙之法味若香蜜令眾无畏如師子王安樂眾生過於慈母深知法性達義趣相得義巧便法相亦然善於正道具足方便如實說法得安攝眾開發眾生生死

振源一切法性如海一味三昧安靜猶若山王道心不動譬如帝幢得堅固力身相端嚴威儀具足无所染汙族姓豪勝功德備足得無邊辯无所著辯無異句辯不思議辯无边量辯深解脫辯成就勝辯常忍辱辯漸親近辯問無問辯无毀壞辯無退轉辯甚深句字種種說辯甚深廣說章句字辯無量无边喻譬之辯如是一切悉皆具足未得道者當令得道及得梵音意歡樂音迦陵頻伽師子等音大龍牛王鐘鼓美音歌音弦音雷震之音得於一切世間供養具足六通到於彼岸得无忘失憶持之法獲諸善根容儀軌則時不空見以偈問曰

金色百福嚴 深解於真諦 憐愍善利茲 聽我問諸佛 應修何三昧 具足淨功德 人中無比尊 眾智无過者 我今問世間 軍勝无上主 為行何三昧 功德不思議 云何諸菩薩 而得人中上 應當勤修習 軍勝寂靜定 行此三昧已 為世作利益 云何得自然 多聞如大海 云何復不動 深妙之智慧 住佛諸功德 猶如轉輪山

云何心不著 自然如虚空 摧伏諸外道 不起於惡心 云何當修得 猶若日月等 又復當云何 同彼大燈炬 求習何三昧 光明照一切 云何得消除 眾生老病累 云何令一切 得度於苦海 云何得發心 敬礼眾尊 云何如天花 相好甚明著 優曇時一現 值佛難於是 云何如醫王 施藥滅眾病 善調伏諸根 安住於戒品 云何如法王 度无边功德 云何見法滿 猶如甘露蜜 云何師子音 施利於眾生 云何如慈母 施眾難思樂 云何得四辯 行甚深菩提 為我說軍勝 無上第一道 云何能得說 无著大智慧 云何義巧便 得法不思議 善知巧便相 知世出世法 云何能得意 云何復得道 云何得憶念 云何安具足 云何得多聞 深廣若大海 云何說諸佛 真實之功德 云何說眾生 生死之源本 諸法无異相 如海同一味 云何得三昧 不動如山王 菩提心安寂 猶如帝釋幢 云何得諸餘 不思議菩提 云何得端嚴 成就諸威儀 云何得豪族 為功德法王 云何得無邊 及得无著辯 云何得成就 不思幻字義 唯願世間依

金剛經第二卷 第三十四節

為我分別說 云何得軍勝 無上莫能過
及以无著說 無失與忍辱 親近不思議
有問无問等 梵音意樂音 迦陵善妙音
得修菩薩行 願尊教詔我 云何得師子
大龍牛王音 云何得鍾音 絃歌與美音
云何獲聰慧 願世調伏說 云何得說法
心常無厭足 无毀諸功德 常演震雷音
云何當得宜 種種甚深法 云何眾譬喻
善說到六通 云何不失法 百千歲生念
勤修不懈倦 善法普眼尊 若為十方界
說修不思議 於諸智不疑 歸趣求解脫
是以我今日 請問於如來
時不空見菩薩摩訶薩 如彼神通無
作行力於虛空中 當世尊上自然慶
成天妙寶蓋七寶莊嚴種種微妙於
此蓋中雨眾雜花 遶佛三匝住在頂
上花傾恭敬向佛世尊 即於花中而
說偈言
歸命於大聖 正覺兩足尊 諸天及世人
無能與等者
今時此花墮佛足 正復更踊起 起已
自然遍散三千大千世界 復於蓋中
雨栴檀末空中 交紛墮於佛上 俄今

金剛經第二卷 第三十五節

之閒忽然不現 香氣芬芬充溢大千
是諸眾生聞此香者 身心安隱 皆得
快樂 猶如菩薩得四禪樂時 不空見
現神通說 即白佛言 云何菩薩得大
智慧 速疾智慧 猛利智慧 无相智慧
甚深智慧 廣大智慧 普遍智慧 不懼
智慧 云何獲得無上善根心 如金剛
壞諸法相 身心柔軟 心大如海 戒品
難量 心如磐石 其心柔和 正直端嚴
心如山王 攝眾善法 心如大地 能安
一切 得不信他 不識彼閑 得善趣行
安住 諸法正向 不謗無上世尊 生生
恒得元離 見佛住此世界 得見他方
無量諸佛 聞法遇僧 又得攝取清淨
國土 常得善根 自利利他 是以我今
請問世尊 我為解脫饒益眾 生為諸
菩薩 得不思議具足善根 請問如來
為被僧都忍苦大鎧悲一切 故請問
如來 為欲利樂諸眾 生故被引苦鎧
無眾 生想 欲度生 死无生 死想 我恒
如此 利益眾 生是故我今請問 如來
世尊 我於諸眾 生所不起 壞心 亦無
瞋罵 誹謗 毀訾 及輕凌 心初无恚恨

金剛經第二卷 第三十六節

念戾 懣恨 無志 失意 亦不嫉妬 不懷
楚毒 行於慈悲 我如是相 修學大乘
為利益 故請問 如來世尊 我今為眾
生 故捨五欲 樂能忍眾苦 施一切樂
為諸眾 生作法 光明世尊 我於內外
諸法 心無恚惜 我如是相 利眾 生故
請問 如來世尊 我今被如善鎧 為一
眾 生於恒沙劫 入大地獄 受諸苦惱
我未曾於一念之頃 退失无上菩提
心 也是故我今 利眾 生故 悲能忍受
無量極苦 而不退於菩提之心 為一
切 故請問 如來我今 如此被引苦鎧
為諸眾 生作其僮僕 為利彼 故請問
如來世尊 我今為眾 生故 捨於頭目
髓腦之屬 悉忍斯苦 不退菩提 如是
相 貌 請問 如來時 不空見 即說偈言
云何習大智 廣智與疾智 我今故請問
大雄世間師 云何得甚深微妙大智慧
寂勝菩提道 唯願普智說 云何無懼智
善巧隨順說 復得金剛心 於法不生惑
云何得柔和 心无有垢染 清淨戒如海
不宿於死屍 復得心如山 不動難思議
云何不信心 他亦不誑彼閑 決定行善趣

閉塞諸惡道 安住堅固志 歡喜心不壞
 去何得生念 又得於調伏 住此而得見
 他方刹土佛 既得聞說法 亦得值過僧
 欲得求供養 他方刹土佛 種種妙花香
 隨意以奉獻 欲求住此界 見諸无邊刹
 世依亦神通 向諸十方國 我自饒眾生
 亦无善友勸 安住諸慙愧 自捨於己利
 以利於他故 請問大勝尊 若為求佛智
 攝取不思善 為此利益故 請問於如來
 無著世間依 當修何三昧 如是為眾生
 發弘誓大願 免濟諸群生 種種諸劇苦
 雖復勤修行 而无眾生想 為利善趣故
 請問於如來 於一切眾生 常起平等心
 未曾有分別 恒修於慈悲 我為利益故
 請問於如來 親近何等法 疾得難思定
 調御說斯定 顯亦无邊德 我發弘誓願
 為利一眾生 於不思議劫 恒受燒煮苦
 善哉令一切 長得獲安樂 永無幻惑心
 常修正直意 恒捨内外法 攝取諸眾生
 為作利益故 請問普眼尊 不瞋不惡口
 穢謗結恨等 自身能忍苦 為他作僕使
 是故我請問 大威德世尊 常以歡喜心
 勤修菩薩行 捐棄无量頭 以求勝菩提

為益世間故 捨目及手足 眾生隨生死
 癡暝无智慧 何方救濟彼 令得永解脫
 捨所受妻子 珍妙諸器服 金銀頗梨珠
 無數眾寶藏 為趣正道故 請問於如來
 慈悲施常无厭 聞法亦復然 住於阿蘭若
 心無有懈怠 為此利益故 請問於如來
 常求善言教 聞惡恒捨離 於諸群生類
 初無不善念 為是利益故 請問於如來
 慈心觀眾生 如母念一子 於讎不追怨
 更生憐愍心 為利一切故 請問人中王
 若獲諸福報 設復无所得 亦當為眾生
 請問大威尊 我請自焚尊 若得少福者
 以此業果報 疾得菩提定
 菩薩念佛三昧經卷第三

已亥歲高麗國大藏都監奉
 勅彫造

菩薩念佛三昧經卷第四

宗天竺三藏功德直譯

讚三昧相品第九

今時世尊告不空見菩薩摩訶薩言
 善哉善哉不空見無勸汝者乃能如
 是為諸眾生請問三昧欲以解脫利
 眾生故欲令眾生具不思議淨善根
 故欲令眾生獲得三界寶勝利故為
 令眾生超出三界一切行故為令眾
 生於諸有為得善義故為令眾生深
 解隨順得饒益故為令眾生於甚深
 法決定義故欲令眾生尊說法故欲
 令眾生敬重施故欲令眾生捨諸有
 故欲令眾生趣無上戒故欲令眾生
 具足忍故欲令眾生勤精進故欲令
 眾生得禪定故欲令眾生深重智慧
 如金剛心善修定故欲令眾生心離
 塵故欲令眾生善攝心故欲令眾生
 其心不動猶帝幢故欲令眾生重法
 義故欲令眾生不惜身命歡讚行故
 以是等緣請問如來
 今時世尊告不空見汝今諦聽善思

念之吾當為汝分別演說時不空見

即自佛言唯然世尊願樂欲聞告不

空見諸佛所說菩薩所行念佛三昧

此三昧者諸菩薩等常應親近精勤

修習既得修習此三昧已即便增長

見法安樂增長無貪及以瞋癡增長

慙愧六神通等增長得見一切諸佛

增長無數清淨佛土得知宿命生死

因緣住胎清曠母族豪勝得微妙善

大人相好具足出家及捨大捨得知

衆生其行相續具足多聞世出世法

又得種種諸善法處當得善學世无

比法復得善巧說一切法及得一知

前際後際字章句相智慧備足得善

轉心神通變化善知過患得廣大

得知他方諸菩薩等及以衆生精進

白黑長短大小處及非處未成佛道

趣向具足得不動念神通具足常得

大姓高族具足端正威勢功德具足

得梵音等及以諸辯无不具足悉如

上說同如來生無生之生常生中國

觀諸如來恭敬供養彼此菩薩功德

具足

今時世尊即說偈言

不空見菩薩有妙三昧上我往智力故

深知此三昧菩薩應應得見十方佛

到六通彼岸疾得菩提追見諸淨妙土

攝知生死緣住胎既無比母族又殊勝

善修諸法行相好皆具足出家棄諸愛

人天所滯戀為利世間故求於菩提道

生在豪姓家永到甘露境具得六神通

圓足說具智多聞持正法獲得大自在

多聞廣於海如聞皆修行具衆定義

及知衆生不學習世出世善法之所趣

獲得聰利智捐去无知業棄捨有為事

行於無為法亦得天眼智天耳聞諸法

憶念宿世行知他心意識欲樂現種種

諸妙神通事常善轉變心開演於明脫

開發十力慧廣利於世間知處及非處

諸法之所歸說煩惱過患常應修此定

得趣向具足得意无與等得念及威力

得安行亦然姓族寂殊勝端嚴甚清顯

欲得無比音雄猛諸威音成就義大仙

當求此三昧如龍歡喜行普施電光耀

復降甘澍雨霑洽於大地是龍所遊境

實為不思議若安住寂上神通王三昧

能作諸供養奉獻无邊佛猶如龍王雨

澤及於一切欲成就善教親近寂上說

攝取無為樂當修此三昧種種深解脫

常宣諸妙偈欲令一切衆咸使得安樂

常修是三昧不離佛菩提及與聲聞衆

得見他方刹若欲得諮問此土之世尊

及諸他方佛應習此三昧若欲見他方

不思議世尊親近彼諸佛蒙光設供養

往返諸刹土得無數功德應當修諸佛

所說深三昧往往從生處恒得與佛俱

菩薩念佛三昧經正觀品第十

今時不空見菩薩白佛言世尊菩薩

摩訶薩若欲成就諸佛所說菩薩念

佛三昧者應當親近修習何法今時

世尊告不空見若諸菩薩欲得修習

諸佛所說念佛三昧欲得親近諸佛

如來復欲疾得阿耨多羅三藐三菩

提者應當安住決定之心又應永捨

不決定心捨我見心知無我心當觀

此身如水聚沫觀於色陰當如芭蕉
次觀受陰如水上泡復觀想陰如熱
時焰又觀行陰如空中雲觀於識陰
猶如幻化菩薩若欲入此三昧應當
深生怖畏之想又宜具足慙愧之心
捨不怖畏而作怖畏捨无慙愧修慙
愧心具舍摩他毗婆舍那以方便智
捨我無我應習智脫及三空門又當
深知三受生起亦應捨離三不善根
即當起於三昧之聚觀諸衆生猶如
我身觀四念處身受心法觀四食患
作無食想所謂搏食觸思識等修不
淨想及以慈悲安住於喜令捨具足
起諸禪定而不味著亦不毀訖一切
諸法此身不實猶如幻焰不樂長壽
應當捨離善防護心習學多聞不慢
於法勤護不謗即得聞才及以法才
既聞法已守護是義尊重佛法恭敬
僧寶近善知識遠離惡友不著世俗
言論之味恒能不離阿蘭若行心常
平等憐愍衆生其心不退下懷嫉妬
稱量諸法心不冰累分別一切無數
諸法常求甚深方等經典信心堅固

不生疑慮常能精勤讀誦此經即是
諸佛無上道也
諸佛功德之所生處應當如是真實
其心摧伏憍慢至意聽受增長正法
離熱盜煙癡情貢高是非之心捨存
真我邪謗之說除穢亂語滅諸諍論
心樂安住布施持戒忍辱精進禪定
智慧諸波羅蜜皆悉具足能捨頭目
心不退沒如四大姓不可改易身意
精勤不顧軀命於四供養心无貪著
安住十二頭陀之行不求已利及以
名譽捨心愛滯得四神足離四顛倒
及煩惱刺渡於四流於四威儀修四
念處令得五根修行五力捨於五結
不求五欲福報之慶捨五微心修五
解脫善知五陰棄六欲處及六身受
除六愛身修於六念知六識分勤求
六通修七覺意深知七界所謂害界
悲界出界欲界色界无色界及以滅
界除斷七使及七識住捨八癡情去
八婬語知世八法得八大人覺知八
解脫修八正道捨於衆生九居之慶
除九慢法放棄九惱親近修學喜等

九法又復勤習九次第定捨十不善
行於十善方便精勤求佛十力
又不空見我今略說一切諸佛所說
三昧應當勤修念報佛恩學三昧已
即得不退阿耨多羅三藐三菩提而
是菩薩以大智力能為衆生說此三
昧其餘聲聞不能觀察宣說書寫受
持讀誦若能觀察書寫受持讀誦之
者此人福業亦不唐捐要當得值佛
出於世若諸菩薩教化受持疾得不
退菩提之道又不空見諸佛所說念
佛三昧名為要法諸大聲聞所不能
行若人聞說此三昧者將來之世必
當值佛亦時世尊即說偈言
若有修諸佛所說深三昧 觀法心相續
捨不相續念善觀於陰身 離我无我想
此身不牢固 猶如水聚沫 虛誑猶如化
亦如嬰兒語 觀色如浮雲 見受若水泡
想如熱時焰 觀行陰无實 猶如彼芭蕉
觀三識如幻 修慈憍恐畏 舍摩訶婆那
應遠無慙愧 除我无我見 習如與解脫
及以三空門 又應知三受捨三不善根
常學三善根 求取勝三昧 勤行戒定智

金佛藏經卷第四 第九

速得甚深定 離諸邪見等 正習此三昧
捨世衆評論 常修出世法 觀察身念處
受心亦復然 於法無疑惑 不久得此定
常行禪解脫 不惜身壽命 多聞不貢高
不誹謗諸法 聞法應受持 持已諦觀察
常供養諸佛 法僧亦如是 若於善知識
恒念報其恩 遠諸惡知友 不聞邪師論
應求讚善者 常共俱遊處 不違阿蘭若
應求勝菩提 等心於群生 不毀世諸法
不誹一切法 應知真實法 捨諸非法行
不久得此定 除一切諸惡 及見真我者
熱害慢慳盜 毀世癡情等 不作諸惡口
邪論諍訟等 次第說佛法 當求此三昧
施戒及忍辱 精進禪智等 常勤精修習
成就此諸度 不久當得斯 功德定法行
若捨內身分 及外財眷屬 不久得菩提
寂靜心三昧 若人心如地 水火風空等
皆悉當速疾 獲此妙三昧 若有諸人等
身心甚端直 不貪著衣食 牀褥及醫藥
是人當疾得 如此之三昧 成就四正勤
具足四如意 捨於四顛倒 及四煩惱刺
永度於四流 棄捨諸受取 修行五根力
除斷於五結 不求五欲報 捨諸煩惱心

金佛藏經卷第四 第九

應修三昧 及五身三昧 諦知五陰法
深修六和敬 遠離不恭敬 除去六觸身
觀六度相續 捨彼六受身 成就於六通
深修六念處 亦復勤專行 六識之法分
修七菩提分 復行於七財 念捨憍慢處
除斷七種使 當修如此行 以求勝三昧
捨彼七識住 除此八妄語 常修八正道
得三昧不難 得八大人覺 行八解脫門
知世間八法 即為寂勝智 如此常修行
得三昧不難 自離於九惱 亦不惱他人
修喜等九法 次當得三昧 聰慧捨十惡
修行十善業 又能遵十力 得三昧不難
常受持善法 捨諸不善法 晝夜常攝心
得三昧不難 住此三昧已 不思議力說
常見佛金色 亦得聞演法 若欲見十方
滅度現在佛 及以未來世 饒益眾生者
是人當修此 寂靜妙三昧
余時不空見菩薩摩訶薩 白佛言 世
尊 善薩若欲成就一切諸佛所說念
佛三昧 云何當令其心相續 佛告不
空 見是諸善薩 若能至心憶念過去
未來現在十方一切無量如來應正
遍知 明行足 善逝世間解 无上士 調

金佛藏經卷第四 第十

御丈夫 天人師 佛世尊 悉知眾生往
來生死住胎具足母族亦然及善相
好四畝舍羅慈悲喜捨慙愧恐畏威
儀等行 悉亦具足及舍摩他毗婆舍
那解脫知行諸解脫門 念處正勤神
足根力覺道等法 皆悉具足 知昔四
流及生具足 亦知眾生源始具足 生
諸六通起大神足 戒定智慧及以解
脫解脫知見 無不具足 无碍解脫及
无碍利一切善法 亦皆具足 色心清
淨 境智清淨 金色等身清淨 具足而
此善薩應如是念諸佛如來至心不
動 亦當安住無所著心
復應如是心相續 觀為何等法是如
來耶 為以即色是如來耶 為當異色
是如來乎 若以即色是如來者 色處
眾生理足 色陰而是眾生理是如來
若以異色是如來者 除十二緣豈有
如來又以即受是如來耶 為當異受
是如來乎 若以即受是如來者 一切
眾生理足 受陰而是眾生理是如來
若以異受是如來者 除十二緣何有
如來 想行識等亦復如是 為即眼根

是如來耶為異眼根是如來乎若即眼根是如來者一切眾生應是如來若異眼根是如來者除十二緣何名如來耳等諸根亦復如是為即四大是如來耶為異四大是如來乎若即四大是如來者內外四大亦是如來若離四大是如來者除十二緣何有如來地水火風皆亦如是

菩薩如是相續觀已明見色陰既非如來異彼色陰亦非如來又見受陰即非如來若異受陰亦非如來即想行識非如來者異想行識亦非如來又見眼根非即如來見異眼根亦非如來耳鼻舌身非即如來異耳鼻等亦非如來見色聲等非是如來異色聲等亦非如來見香味觸非是如來異香味觸亦非如來見意及法非是如來若異意法亦非如來見即四大非是如來見異四大亦非如來地水火風亦復如是菩薩如是心相續觀於一切法得方便智

又不空見汝以何法能得无上菩提道耶為以身得為以心得若以身得

此身不淨無所覺知如草木瓦礫菩提非色元有形質其相空寂不可見法此身既如草木無知云何當得菩提道耶若以心得无上道者心無形相猶如幻化菩提無心亦无色貌如幻如化云何可得若諸菩薩得如此解非身能得無上菩提亦非心得无上菩提不離身心得無上道今時佛告不空見言應當如是觀於如來作是觀者名為正觀又不空見菩薩如是相續觀法心不動搖菩薩應當如是深解則不退於三昧法也又常離於不相續心必當疾得无上菩提今時世尊即說偈言

心心相續念 去來今現在一切普眼尊
不久當見佛 住佛大威力 慈哀利世間
憶念人中花 調御功德尊 當念首生死
住胎母族姓 容相悉具足 不久當見佛
念佛八十好 及宿世因緣 恒集寂勝業
正念善法意 念佛六神變 及大自在通
戒定智解脫 皆悉得成就 云何寂靜地
得此寂靜地 念慈世間尊 悲喜捨寂上
慙愧力無畏 世間威德師 念佛舍摩他

毗婆舍那等 又念智解脫 及以三空門
具念修正勤 神足亦復然 念根力具足
及以菩提分 念佛離生滅 獲此寂靜處
念難思善法 色受皆清淨 想行及以識
清淨亦如是 念佛真金色 安住无著心
觀何法名佛 攝心恒相續 念色非如來
四陰亦如是 離陰非如來 想識應當知
念眼非如來 耳等法亦然 離眼非如來
五情法皆尔 念十二因緣 調心得見佛
念四大非佛 異此四亦非 應了十二緣
見佛不為難 若使諸佛陰 而是如來者
衆生悉有陰 亦應即如來 若欲得根力
當念十二緣 陰非世間師 異陰亦如是
往昔諸因緣 相續恒分別 是以能攝取
不思議智力 此身常无知 如草木瓦礫
菩提無形色 寂滅恒不生 身不觸菩提
菩提不觸身 心不觸菩提 菩提不觸心
而能有觸相 實為不思議 此是佛世尊
寂勝寂靜處 善能滅一切 外道諸邪見
尔時不空見菩薩摩訶薩白佛言世
尊菩薩云何得知我見云何復當得
離斯見尔時世尊告不空見菩薩若
欲捨我見者莫著住處當依无依欲

以法明利益一切欲吹法螺擊大法鼓欲造法船建立法橋度諸眾生生死有流欲觀身相及不相續此身不淨穢惡充滿膿血涕唾九孔恒流無常敗壞瞬息不住危脆難信不可受樂猶嬰兒語虛妄无知是身不實如水聚沫縱復假以衣服飲食香熏莊嚴種種寶飾於百千歲恣隨其意會當磨滅長夜無益如此身性是生死亡法又為虫獸之所食噉復於長夜或在地獄畜生餓鬼閻羅王所受无量苦未曾變息又於永劫處生死中為他僮僕榮使万端此身長勤受眾苦惱而初不能知苦斷習證滅修道行諸功德此身雖小受汙甚多應以是身施諸眾生若有惜命施其以壽若須力者當惠其力須肉與肉須血與血當施須者不求勿與或於彼人無所利益願以捨身善心因緣除我見惑得解无我住是捨身思惟觀時不復著於我見之惑以不堅身修於堅身又不空見譬如村邑多有童子相隨出村遊戲水邊見水聚沫是諸童子

竟取持戲而此聚沫不自覺知為他所持亦無痛痒如是不空見若有菩薩觀自己身當知此心猶彼聚沫無有分別若此菩薩作是觀者不久當得此深三昧亦當疾得无上菩提亦時世尊即說偈言

欲求寂勝定得不思菩提永捨於我見常應觀此身无常苦不淨涕唾臭汗等九孔流諸穢甚為可厭患虛誑無真實此是磨滅法眩惑猶幻化亦如水聚沫我此身危脆瘡疣之窟宅周遍皆臭毒無一可樂處養之初无益平為虫狼食一切諸樂具供饒於此身會歸當朽滅終不得一實長勤无邊劫苦痛恒万端地獄畜生報根本受苦處長夜增飢渴不可不思議眾苦所逼迫為此永菩提我此身不實應施諸眾生解法心無惜所須便給之作此思惟已即唱如是言我今捨此身血肉隨意取若有惜命者我當惠其壽亡驅濟眾生為疾得三昧段段求水沫未曾得堅實我身亦如是求真不可得若得此正觀疾成菩提道亦時世尊即便微笑諸佛如來法皆

如是當于世尊微笑之時面門即放種種色光青黃赤白紅綠頗梨上至梵天從彼還下逮佛三市復至頂上斯光俄頃忽然不現長老阿難即從坐起更整衣服右膝著地合掌向佛以偈問曰

寂勝調御尊微笑非無緣无上世間師願為我宣說為以何因緣而現此微笑金色百福嚴善解於真諦哀矜利益者世間所歸趣為以何因緣而現此微笑无等人中尊軍上無過者如來諸功德清妙无瑕穢復以何因緣而現此微笑住聖大悲尊一切所歸者已離諸煩惱以淨調御音唯願為我說微笑之因緣今日誰應得若此深廣義誰住堅固地誰國遇吉祥世間所歸尊何故現微笑一切所歸趣調御為我說願聞清淨人微笑之因緣若蒙聖開演疑惑則永除亦時世尊告阿難言我向說此相續觀時三萬人得法眼淨八万百千億那由他天亦悉離垢法眼清淨復有三万億那由他比丘比丘尼及清信士合復有三万比丘比丘尼及清信士

金剛三昧經卷第四 第二十六

女得無生忍三萬衆生發菩提心即皆修習菩薩之行於人尊劫慈愍成佛此是初發無上道心復有九萬億那由他諸衆生等悉皆不退菩提之道當得作佛号曰放光及離垢尊釋迦牟尼日光相佛月光明佛大尊佛九十二億那由他衆發聲聞心當成羅漢尔時世尊作是語時聲震三千大千世界佛以天眼見於十方九十億百千那由他諸佛刹土其中衆生皆見如來放眉間光名曰明焰遍照十方衆生見已心驚毛豎時彼刹土無量百千萬億那由他諸衆生等遇斯光者其中有得須陀洹果斯陀含果阿那含果阿羅漢果有多衆生發菩提心皆不退轉無上菩提於未來世當得作佛皆同一号号不退轉尔時世尊欲令此義光宣顯重說偈言

八萬億諸天 既聞如來音 獲得淨法眼 永離惡趣苦 三萬億四衆 得不起法忍 度脫諸惡道 无復苦惱患 當得成佛道 如春之敷榮 三萬億諸人 學於菩提道 是人亦當得 諸佛大威力 既成無上道 憐愍於世間 六万千天子 學習於菩提 樂中之樂行 猶如你勒尊 无等世間依 以笑廣利益 阿難汝當知 皆有因緣故 是以我今日 亦發此微笑 菩薩念佛三昧經微密三品第二 尔時不空見菩薩摩訶薩白佛言世尊菩薩摩訶薩云何當知安住慙愧忍畏等法捨无慙愧得此三昧尔時世尊告不空見此諸菩薩所以慙愧身作諸惡而懷善怖口意行惡復生耻辱嫉妬懶惰亦復如是若起不善恭敬諸佛畏懼諸天及以世人惡不善法可著耻故菩薩如是則住慙畏捨无慙畏諸不善法勤修衆善護清淨行默然閑寂三業具足不久亦當得此三昧生生恒得值遇諸佛當疾得於阿耨多羅三藐三菩提 又不空見奇哉希有我念過去經阿

僧祇億百千万那由他劫初第三劫名為善生次復有劫名曰寶炬次復有劫名蓮花池時濁劫起餘一千年次復有劫名曰樂住時有國王生此劫中名勝微密有大威德勢力自在王所住城名拘修摩清淨香聚其城縱廣七十由延有十二重七寶莊校嚴光明如善建城城北有地名為離垢此處有苑苑名安隱縱廣正等面十由延周匝皆有諸多羅樹其苑法式猶善建園又不空見尔時有佛号曰明相如來應正遍知明行足善逝世間解无上士調御丈夫天人師佛世尊出現於世佛告不空見時明相佛與其眷屬住安隱園所從比丘九十九億百千那由他皆阿羅漢諸漏已盡無復煩惱心得自在所作已辦所應學者皆悉已學明相如來應正遍知於其晨朝著衣持鉢翼從比丘入城乞食時微密王聞佛當來即乘大象象名樂手前後導從無數百千皆共出城奉迎世尊又不空見是微密王遙見佛來光色相好微妙殊特

念佛三昧經第一卷 第三節

皆大歡喜即便下象趣如來所頭而
礼足右遶三币即於道路請佛及僧
時明相佛默然許之王既知佛已受
其請即於其夜掃灑燒香嚴辦種種
珍妙供具復於城內遍豎幢幡懸諸
花鬘環瑤寶蓋牛頭香汁以灑塵金
散種種花嚴飾於地以盛盛花置於
座前作衆妙伎以用供養

又不空見王轉供已於晨朝時與諸
管從詣安隱園頂礼如來白言世尊
食時已至時明相佛問王請已即如
其相現大神通與諸比丘俱昇虛空
放淨光明九万百千照於東方三方
亦然一一光中有八十億那由他等
諸妙蓮華一一華上有化如來相好
具足如明相佛是諸如來眷屬无量
左侍帝釋右侍梵王猶如真實釋梵
無異

又不空見明相如來現此種種神變
相時一念之頃欲色諸天即作無量
衆妙伎樂以天梅種多摩羅跋沘水
花鬘如是諸香以用供養明相如來
時彼世尊為王說法大王當知諸行

念佛三昧經第二卷 第三節

無常有為皆苦不實故空一切諸法
患无有我所以者何此身不淨九孔
流穢猶其由五破壞危脆念念不住
四大諸陰假以為身飢渴寒熱恒來
侵迫虛誑幻炎猶水聚沫不得自在
磨滅之法強名為人無一可恃是故
大王當深觀察生死諸行法可厭患
當勤方便求速遠離時微密王聞是
語已合掌向佛而作是言如是世尊
誠如聖教有為諸行无常苦空一切
諸法皆患無我現見此身不淨臭穢
與苦之聚甚可厭患時王見佛神通
相貌及聞如來所說之法即發阿耨
多羅三藐三菩提心又不空見時彼
如未知王已發菩提之心與諸大衆
俱受王請乘虛而往至城便下是王
從佛步入宮門獻座已訖次第而坐
王與群臣宮內眷屬及國人民侍立
左右擎諸供饌前受親願各各授食
皆令充足飯食已訖漱口澡手復以
種種花香伎樂名衣上寶而以供養
時微密王即於是日捨四天下及八
十四億那由他妃后嫔女以國王位

念佛三昧經第四卷 第三節

付其長子與八十億那由他人俱共
往詣明相如來於彼佛所出家修道
王出家已將欲請法自言世尊云何
菩薩得諸佛所說念佛三昧若人能
得此三昧者當疾成於阿耨多羅三
藐三菩提具足見法時明相佛告微
密比丘菩薩有二法得此三昧亦當
疾成無上菩提何謂二法菩薩應當
信於如來所說經典此大方等諸佛
行處菩薩具足此二法者得此三昧
當疾成佛復有二法何謂為二舍摩
他毗婆舍那復具二法捨我无我安
住慙愧恐懼等法菩薩若能具是二
法得此三昧疾成正覺

告不空見是微密比丘白明相佛云
何菩薩安住慙愧恐懼之法得此三
昧明相如來告比丘言菩薩應當捨
三惡業无慙愧等諸不善法住於慙
愧恐懼之法而是菩薩慙愧具足捨
諸不善修行善法應護清淨身口意
業又不空見是時比丘於彼佛所聞
說過患即捨無慙愧等諸惡精勤攝
心住諸善法不失善法欲令滿足復

更攝心安住正觀觀一切法不增不減亦不見法去來生滅

微密比丘作是觀時不見諸法有種種相觀十二緣如夢如炎觀於諸法如影幻化觀於諸法無增无減觀於諸法無名无性觀一切法無滅无生微密菩薩如是修行不久當得此三昧也獲三昧已辨才不斷過六万億那由他劫當得阿耨多羅三藐三菩提佛告不空見汝莫生疑介時捨國出家學道微密王者豈異人乎蓮花上佛如是也微密菩薩安住慈愧修習成就一切善法不久便得如此三昧又不空見我今語汝諸佛所說念佛三昧若有衆生不種善根終不得聞如此三昧告不空見若善男子善女人等曾於過去無量佛所親近供養殖衆善本方得聞此三昧實王何況書寫讀誦受持分別解說觀其義趣是善男子善女人等所種善根无量無邊不可稱計是諸人等修菩薩乘方得少聞如此三昧次第當得阿耨

多羅三藐三菩提唯除身證

時不空見自言世尊是諸衆生不學大乘為能得此三昧實不佛言如是亦當能得又不空見譬如藥其質堅韌不可斫刺以石磨取用之塗敷若有怨敵臨陣戰時彼軍亦以毒塗其箭聞鼓音聲毒不能行如是不空見若善男子善女人等少得遇聞三昧光聲是人皆當得於無上菩提之道唯除身證又不空見譬如衆生若依須弥金色之邊其身即與彼山同色所以然者山勢力故如是不空見若有善男子善女人等少聞三昧威光之力當得阿耨多羅三藐三菩提唯除身證所以者何而此三昧功德寂勝不思議故又不空見譬如諸水悉入大海同其一味所以然者以海力故若善男子善女人等不能讀誦持說書寫但得梵聞此三昧實一切皆當得無上道所以者何三昧力故又不空見若人正說諸佛法門得三昧母說此三昧是名正說若人正說如是三昧無量

元遠功德之聚攝取長養是名正說又不空見菩薩摩訶薩修行布施於一念頃以衆妙寶奉獻恒沙諸佛世尊以此功德當得成佛若人讀誦受持解說書此三昧功德勝彼布施之福不可稱計介時世尊即說此偈我念往昔生調御明相佛一切諸世間咸共所歸趣慈悲哀衆生為說衆妙法是佛大知見明了三世法如此普明尊世間最為上如來不思議无量深智力開顯諸法門為利群生故發起大悲心拔濟無量苦明相善逝尊八億那由衆皆是阿羅漢諸漏悉已盡是諸應真等隨從法王逝時有安隱園在城東北隅大仙經行處恒與聖衆俱時有轉輪王微密勇健士憐愍一切故導從出彼城是王遙觀佛其心甚寂怕相好殊世表威儀亦無比王即步奉迎往到世依所既至如來前頭頂接足礼合掌恭敬已往住於一面請佛受明供世尊默然許王知佛世許還勅諸官屬灑掃宮城內嚴辦諸饌饌王復到佛所自言食時至世尊若矜慈願時屈威神與諸聖衆俱

至當奉微供時佛聞王請即現大神變
普放千億光遍滿十方刹二光明中
化作億蓮華大悲愍眾生為眾現斯瑞
又告不空見彼諸蓮華中有大威德王
相好特端嚴各以眾勝意廣說諸佛法
諸行皆無常苦空亦如是元我恒不實
此為磨滅法有何聰慧人而生樂著心
諸行猶幻炎破壞流動法大悲明相佛
演說如是法諸天見世尊奮大神通時
作衆上妙伎廣設香花供善哉佛威力
不可得釋說王親神化已蕪設妙供養
擯去四天下及以五欲樂出家守一心
以修善提道是王學道時問彼明相佛
安住何等法得佛力三昧時佛說二法
如是應當修得此深妙定施不思議樂
聞佛說法已踊躍充遍身即發菩提心
當得此三昧微密比丘者蓮華上佛是
若人信如來不誹謗此經是人住佛境
疾得此三昧若人畏生死心不著於我
常修舍摩他及毗婆舍那是人如此相
疾得此三昧安住慈忍畏常修於止捨
利智勤苦行速得此寂定觀法无增減
一切如虛空是聰慧菩薩疾得此三昧

不見諸法起亦不見其盡恒觀法无常
亦如夢幻等常能勤習行不欠得此定
不見法異相唯觀无生滅又如影響炎
當得此三昧觀諸法平等無有差別相
內既无身想觀外亦復然不見其名字
亦無有生滅若能如是觀疾得此三昧
時微密比丘如是諦觀已初中及後夜
其心常相續既聞如來說不久得此定
即於一念頃而證此三昧得不斷菩提
即親十方佛具諸有為行其心漸清淨
比丘在生死滿十六千劫曾供无量億
諸佛之世尊然後獲寂定得於無上道
佛告不空見莫心疑不信汝是聰哲人
勿懷於異見今時比丘者蓮華上佛是
我今語於汝諸天及世人若欲觀一切
无量諸法者是人應當修如此妙三昧
若有人樂欲生無量功德施眾難思樂
當持此三昧若人樂欲見十方三世佛
復樂轉法輪當持此三昧若有人樂欲
具足諸相好深知生死緣亦備眾善本
是以當勤持如此勝三昧若有人樂欲
遠離諸惡趣為利眾生成當持此三昧
如是善人等皆已曾供養非二與十

無量億諸佛求取上菩提得持此三昧
若人樂欲求正念聞三昧已曾多供養
過去无量佛是人久勤修過去所行道
若人於彼處聞說勝三昧即發歡喜心
踊躍意無量昔已曾供養多億天中天
若人於此經常修相續心讀誦及解說
受持與書寫是人已曾見无量大力
譬如戰場所他陣放毒箭以聞藥鼓聲
毒消得歡樂若人聞如是勝定妙三昧
為他說此法得明三昧力當來必成佛
唯除身證者如須彌功德依者同其色
行者有深慧聞定亦復然若有人得聞
寂勝三昧聲斯人功德乘猶如大海量
決定明三昧當得於菩提譬如江河水
悉入於大海異本眾流相皆同一鹹味
若人間如是微妙之三昧即同菩提性
无異無分別若有諸菩薩於多億劫中
勤修行布施為利一切眾諸佛世依所
廣植无量業是諸菩薩等涉歷無數劫
難行布施業得福未為多慈心說三昧
功德勝於彼如母能生育此三昧亦然
顯現難思議諸佛之功德是人聰慧故
常修此三昧不久當疾得无上自然佛
菩薩念佛三昧經卷第四
已亥歲高麗國大藏都監奉
勅影造

菩薩念佛三昧經卷第五

吊梁

宋天竺三藏功德直譯

三法品第十二

尔時不空見菩薩摩訶薩白佛言世尊菩薩摩訶薩具足幾法得此三昧世尊即告不空見言菩薩若能具足三法得此諸佛所說三昧何者為三所謂不貪不瞋不癡如此善根若是菩薩住於無貪便得滿足檀波羅蜜心得安住如此法已攝取不貪清淨善根永離貧窮恒得豪富具大威勢如日光曜如是菩薩所修功德皆為一切諸衆生故所可宣說無不信受得此三昧不以為難亦當疾成無上菩提菩薩具此妙善功德天人敬信菩薩若復能修不瞋善根之行滿足忍辱波羅蜜也若是菩薩安住忍度若人罵詈刀杖加之解其支節斷其頭首不生一念忿惱之心亦不說他諸惡過各攝取不瞋清淨善根慈心為利一切衆生是以修行如此三昧菩薩安住此三昧已得與諸佛世尊

○菩薩念佛三昧經

常俱乃至夢中不離見佛經行坐卧皆獲安樂諸天護念不見惡夢寤寐歡喜刀不能傷毒亦不害水所不澍火所不燒所資四事恒得豐足亦為一切皆令歡喜疾當得於无上菩提若是菩薩除捨無明冥足不癡善根之時正觀修行毗婆舍那即便攝取不癡善根於一切法決定巧便滿足般若波羅蜜也他來問難疾能答對菩薩具足如是三法速當得此三昧之寶

又不空見若是菩薩復具三法當得此定何謂為三應觀一切諸行無常應觀一切諸行皆苦應觀一切諸法无我菩薩具足如此三法當得斯定疾成佛道又不空見若是菩薩復具三法當得此定疾成無上菩提之道何者為三所謂供養現在諸佛及以減度如來舍利若以花香幢蓋繡幡種種珍妙而以奉獻若自供養勸人令行復應發願作如是言以我善根布施因緣願得諸佛所說三昧又不空見復當讚歎現在如來般涅槃佛

真實功德讚戒功德定慧解脫解脫知見威儀神通教化辯才阿蘭若行及以慈悲喜捨之法復更殊勝讚歎佛法儀容相好無量功德既讚歎已復發願言若我讚歎諸佛功德設獲微福以此善根當得諸佛所說三昧疾當得成无上菩提

又不空見菩薩摩訶薩於諸佛所聞此三昧功德名字有三隨喜何謂為三如過去佛往昔已曾修菩薩行求阿耨多羅三藐三菩提如彼諸佛求是三昧我亦隨學求此三昧亦為自利及利他人聞三昧已即生隨喜我亦當復隨彼隨喜此是第一隨喜者也又不空見如彼未來諸佛世尊亦當修習菩提之行聞此三昧自利利他生於隨喜我亦隨喜是名第二若諸如來住現在世安隱快樂斷不善行捨諸惡趣變化幻術種種伎樂園藝博奕一切諸惡悉皆離之深定大悲無不具足如彼諸佛往昔已曾修菩薩行聞此三昧即便求之生隨喜心我今亦如過去佛隨而喜之是

名第三

入修三昧經第五卷

第四

六

又不空見此三隨喜與發願俱若我所獲善根功德願使衆生常得是定又不空見菩薩具足此三隨喜亦當疾得如是三昧又不空見若善男子善女人等隨喜斯定得此善根功德之衆為此善根以譬明之如有一人以彼三千大千世界恒河沙為衆於大衆中撿取一沙擲過无量不可思議億那由他無邊世界復取一沙擲過无量無數世界如是次第盡大沙衆此諸世界若善算師算師弟子能得邊際知其數不時不空見即自佛言如此人者不能知也唯舍利弗不退菩薩乃能知此世界之量告不空見不可思議若干世界滿中珍寶其高過於諸天所居乃至非想非非想處以此珍寶施諸衆生此善男女得福多不時不空見即自佛言甚多世尊无量無邊今時佛告不空見言我當語汝若善男女於諸佛剎滿中珍寶以用施於一切衆生若善男子善女人等聞此三昧三隨喜已發願求

念修三昧經第五卷

第五

七

於無上菩提亦復欲樂修於多聞是善男子善女人等所獲功德勝彼施福无量無邊不可稱計佛告不空見此念佛三昧即是一切善根之母如是說者名為正說

菩薩念佛三昧經勸持品第三

今時世尊告不空見乃往昔世過阿僧祇阿僧祇無量劫大劫今時有佛名實勝光如來應正遍知明行足善逝世間解無上士調御丈夫天人師佛世尊出現於世元興等者一切人天所共恭敬解脫調伏度生彼岸無上寶勝第一世尊為護一切世間之師今世後世皆悉明了所說法初中後善其義深遠其語巧妙具足清白梵行之相時實勝光如來世尊於彼經行與三萬億百千聲聞皆住學地人天恭敬是實勝光佛從卧而起心生念言此諸聲聞皆住學地當隨所樂為說深法令彼速得盡諸有漏告不空見實勝光佛即時便現大神通力令此三千大千世界遍滿其中皆成烟炎是諸聲聞見此神變不生

念修三昧經第五卷

第六

八

怖畏皆大歡喜譬如比丘得四禪樂告不空見實勝光佛於夜後分為說法故即現種種神通變化時實勝光佛告諸聲聞汝等比丘見此三千大千世界烟炎不耶比丘自佛唯然已見比丘當知有為諸行無常苦空一切諸法皆元有我所以者何此身不淨九孔常流臭穢充滿諸行無常輪轉之法危脆不堅一念不住生老病死之所逼切猶如幻炎水果泡沫無人主猶若草木甚可患厭應速遠離佛告不空見是三萬億百千聲聞聞實勝光佛說是法時是諸比丘見法住法選擇善法度四顛倒於佛法僧得淨善法能不信他皆得漏盡時諸聲聞同聲自佛如是世尊有為諸行元常苦空一切諸法皆悉無我此身不淨九孔流溢甚可厭惡應速捨離誠如聖教誠如聖教又不空見有三示現神通示現教詔示現說法示現時實勝光佛以此示現如是調伏諸聲聞衆度三脫門空無相願及三萬億百千那由他諸善

薩等皆當得成无上菩提告不空見
是諸菩薩聞彼世尊說實三昧開化
人天八万四千億百千歲轉法輪已
然後滅度時不空見白佛言世尊彼
實勝光如來出世調伏聲聞為有幾
何正法像法住世幾歲尔時世尊告
不空見如是三千大千世界一切星
宿可知其數實勝光佛諸聲聞眾元
量無數不可限量實勝光佛般涅槃
後正法住世足八十億那由他歲像
法住世十二億歲於是中間有佛出
世号曰慈行壽不可稱量其佛身長
足一由延國人身量六拘盧舍蓮花
周圍亦復如是悉以此花遍布大地
一切眾生遊息其上

尔時世界名多蓮花其地柔軟猶如
鹿茸若觸身時狀若天衣一切眾生
使樂無極又如自在諸天宮殿是諸
眾生欲度東海瞻仰之間便到彼岸
南西北方亦復如是若有眾生凡欲
所之發心即至是實勝光佛初成道
日時四海內其地縱廣足八万億百
千那由他諸聲聞眾悉滿其中詣阿

羅漢皆各一食唯除阿難金剛密迹
及阿逸多八十那由他不退菩薩請
彼慈行如來世尊為諸菩薩說此三
昧特欲分別顯示之時一言之中而
說偈言

若人勤方便 求習出家行 竟修軍勝法
摧破四魔軍 猶如大象王 踐踏眾小草
若人欲疾得 寂定菩提道 為諸眾生故
修行此三昧 敷演淨妙法 施彼一切樂
是人則與佛 同其大悲心

尔時慈行佛般涅槃後有一比丘名
曰樹王於正法中廣宣流布是妙經
典三昧實王有轉輪王号帝幢天有
大威德政法治世是王有城名帝幢
廣縱廣正等十二由延城郭樓觀皆
是真金種種綵畫眾寶莊嚴其城四
面各有三門國界嚴飾如善建城又
不空見時王帝幢於夜後分眠寐之
中有淨居天來至其所即於夢中而
告之曰大王當知有三昧名諸佛所
說念佛三昧若有菩薩修是三昧恒
生淨土不離見佛世出世辯无不具
足必當疾得無上菩提時王忽然於

夢驚寤猶見此天故在其前即白天
日誰能受持如是甚深念佛三昧天
告王曰去此不遠有大比丘名曰樹
王常樂受持讀誦敷演如說修行是
深三昧

尔時帝幢從彼天所受此三昧及比
丘名至心憶持不令忘失即於展朝
捨四天下金輪七寶及八万億無數
百千宮人姝女為求三昧甚深法故
即與眷屬同時捨家俱共往詣樹王
比丘又不空見時彼四眾天龍八部
皆共圍繞有九万億欲界諸天八万
那由他諸菩薩等亦與眷屬恭敬圍遶
樹王比丘時為大衆說此甚深念佛
三昧帝幢大王即至其所以天真實
散比丘上五體投地至心頂礼復持
八万淨妙金花天男陀羅沉水末香
又以敬心奉散比丘供養既畢即與
眷屬皆悉出家被淨法服為欲修習
此三昧故供養恒沙无量諸佛與其
眷屬求是三昧八万四千億那由歲
衣服飲食及諸珍寶親近供養樹王
比丘常自受持讀誦解說如說修行

是妙三昧亦化一切無量衆生大悲
為心初无懈倦帝幢菩薩及其眷屬
聞樹王師說此妙法至心受持未曾
暫捨深生恭敬恒如佛想精勤修習
初不休息樹王比丘皆悉成就彼八
萬億百千比丘修菩薩行住不退地
然後滅度彼諸眷屬皆亦命過尔時
復有佛出於世号閻浮幢如來世尊
十号具足帝幢比丘既值世尊供養
恭敬諮稟如是甚深三昧受持讀誦
如說修行饒益一切人天世間皆得
無上菩提大利帝幢比丘廣宣流布
諸佛所說甚深定故過三千劫當成
正覺又能成就九億百千那由他等
無量眷屬皆悉安住不退菩提
尔時世尊告不空見時帝幢王大比
丘者豈異人乎今現成佛号曰高行
如來世尊應正遍知十号具足又不
空見汝今當知以是三昧威神勢力
饒益如是元量衆生以少聞故常值
佛世又不空見若有菩薩少得聞此
三昧名故常值佛世何況菩薩於今
現在若得聞過此三昧經受持讀誦

其福如上已不可量何況復能廣聞
受持讀誦解說如說修行又不空見
若有菩薩乘於大乘辟支佛乘及聲
聞乘人天之乘若善男子善女人等
或得暫聞是三昧是諸菩薩及善
男女皆當疾得無上正覺又不空見
是諸人等譬如有人在閻浮提見彼
明相決定必知日出不久大光普照
閻浮提人目日光明能得分別青黃
等色如是不空見若有行者略聞諸
佛所說三昧是善男子善女人等不
久當得無上菩提猶彼明相知日必
出汝當深信此三昧受持憶念勿
生疑惑又不空見善男子等如劫將
盡六日出時一切大地皆成煙焰七
日出時三千大千世界之中一切洞
然如是不空見善男女等學大乘者
有不學者若得少聞此三昧寶書持
讀誦解說其義皆當疾得無上菩提
又不空見善男子等譬如掘井若見
淤泥必定知水不復遠也
又不空見若有菩薩及諸衆生於佛
所說念佛三昧應當書寫受持讀誦

解說其義如說修行憶而不忘是善
男子善女人等不久疾得無上菩提
又不空見善男子等譬如有人吞金
剛丸時諸聰慧善男子等必知此人
定死不久以此金剛極難消故如是
不空見善男子等若人於是妙三昧
實受持讀誦廣說深義乃至少聞三
昧妙法此善男子善女人等不久當
得無上菩提所以者何諸佛所說念
佛三昧如金剛故過去未來現在諸
佛應正遍知之所宣說分別選擇咸
神守護令諸行者不失作業菩薩應
當如是修習恒欲利益一切世間是
名菩薩乘此樂行如初利天歡喜之
因若有見者身心踊悅菩薩如是得
此三昧疾成無上菩提正覺於所未
聞諸章句等若欲習學得不難妙
哉往古一切諸佛為利益故分別示
現令滿句義安住法界諸大菩薩攝
持擁護敷演教化令樂正道如是法
門次第儀式菩薩大士皆應當知又
不空見若有菩薩於此諸佛所說三
昧若少聞者是諸人等皆當疾得无

上菩提又不空見是故我今為汝分別開示演說汝又當知若得聞此諸佛所說念佛三昧受持解說不久疾得無上正覺菩提之道是故汝今應當受持讀誦修行乃至書寫亦當廣為一切四眾國王大臣沙門婆羅門及諸異學分別解說所以者何此等若聞當得滿足无上菩提

又不空見若善男子善女人等應當決定至心淨信此深三昧所以者何皆是往古一切諸佛之所稱讚汝今當以不思議意至心憶持深信此定精勤修習令心相續所以者何此三昧者皆是諸佛真實之說隨順佛說至佛行處選擇分別佛所證知甚深寶財諸佛本事往生因緣諸佛法藏究竟秘密此佛聖印如實知性諸佛真身又不空見此三昧者出生行人無量善根恒得生於大刹利家大婆羅門及餘勝家得大威力終成菩提所以者何諸佛所說念佛三昧甚深妙典能施眾生不虛果故亦令行者得无边福若有聞者是入獲得無量

无边阿僧祇等不可思議諸功德聚又不空見我今當說譬況之法成滿此義如有智人聞譬則解猶若大施諸菩薩等常於清旦及以中晡日皆三時如來三昧憶念力故以諸珍妙一切雜寶遍滿恒沙大千世界常以奉施億千恒沙如來世尊及聲聞眾經百千億那由他等恒河沙劫如是大施以求阿耨多羅三藐三菩提告不空見此大菩薩所得功德寧為多不可思議言甚多世尊无量無邊不可思議告不空見我當為汝分別解說此施善根如此諸佛所說三昧第一真實佛口所說若能書寫受持讀誦敷演分別解說之者出生無量諸功德聚比前功德其福甚多何況聞已勸人受持廣為四眾分別解說又不空見我今說此功德實聚不可窮盡

菩薩念佛三昧經諸菩薩奉行品第四

尔時不空見菩薩善現菩薩善歡喜菩薩无量示現菩薩無量力菩薩无量憶菩薩無量明菩薩无量勝菩薩無量智菩薩无量修王菩薩無量意

菩薩无量勝思菩薩無量定菩薩分別一切法意菩薩分別虛空意菩薩分別无著意菩薩無量實意菩薩一切寂定自在菩薩善教詔意菩薩如是等比九万百千億那由他此諸菩薩而為上首即從坐起更正衣服右膝著地合掌恭敬白佛言世尊我等於此諸佛所說菩薩念佛甚深三昧憶念受持書寫讀誦廣分別說如說修行令心相續乃至菩提常當受持分別宣說所以者何我等皆於諸佛所說甚深經典種種相貌未自滿足若有多人欣樂勤修則能增長建立安樂所以者何若能次第修行是法書寫讀誦亦教他人受持解說必能滿足無上菩提漸漸增進成就无餘尔時世尊知諸菩薩摩訶薩等心之所念以佛常法即現微笑於其面門放雜寶光所謂金銀琉璃車渠馬瑙珊瑚琥珀赤真珠寶種種无量微妙眾色其光普照無量世界明耀朗徹乃至梵世從上還下住佛頂上譬如淨喜天寶帝幢微妙脩直甚可愛樂

金佛三昧經卷第三 第十疏 第

此刹三千大千世界皆悉莊嚴猶若
璚瑤亦時大衆諸菩薩等觀斯神變
咸共驚歎善哉希有如來神通時有
菩薩摩訶薩名慈愧安定發衆意行
即整衣服右膝著地恭敬合掌瞻仰
世尊以天沆水細末妙香及天曼陀
奉散世尊即於佛前而說偈言

調御無與等 色身妙相嚴 猶如天花樹
香氣遍十方 具足善行意 修習无量智
調御大威尊 愍利諸惡趣 唯願无量智
為說微妙緣 寂勝無邊智 大威無等等
何故現微笑 願說其因緣 此三千大千
一切諸世界 嚴飾如花纓 淨若初利天
見者皆歡悅 何因現斯笑 盲瞶得明視
聾者獲聰聽 狂亂果正念 喑啞皆能言
以何因緣故 亦現斯微笑 象馬及衆鳥
皆發和雅音 一切諸樂器 不鼓而自聲
今以何因故 天尊忽微笑 上方諸天等
及下世間人 一切妙音樂 悉演殊美聲
何因亦斯笑 唯願為顯說 善哉甚希有
人天皆相見 以何因緣故 亦現此微笑
調御兩足尊 矜愍衆生故 願聞尊笑意
令我得淨善

金佛三昧經卷第三 第十疏 第

尔時世尊知慈愧安定發衆意行菩
薩及餘大士請問意故佛即宣說如
恒沙等應正遍知之所說偈

告諸菩薩衆 汝等且應觀 彼六万八千
諸善男子等 往昔已墮落 今還修菩提
皆誓言我等 各住生死中 當采牟尼所
當受持此經 皆樂聞此典 寂勝不思議
諸佛所說法 心常無厭足 我今當告汝
此諸菩薩衆 非唯一佛所 發斯深敬心
憶念於往昔 三万六億等 百千那由生
為攝法利故 尔時於是處 初起一切行
又於彼前生 恒沙大智所 是處初起行
攝取寂勝法 明慧人求法 心常不滿足
恒捨身命財 以求菩提道 憶昔恒沙等
不可思議劫 時有正覺尊 无量天勝光
是處初起行 為求法利故 又於寶勝炎
大明及電光 難思照一切 是等天仙所
三業持此法 為攝寂勝道 日光及月光
難思功德海 具足一切行 如是諸佛所
是處初發心 為求勝菩提 又於彼前生
值遇狂風光 及與師子佛 於彼如來所
三業受斯法 求第一菩提 於彼過去世
計佛恒相繼 師子幢如來 功德悉具足

金佛三昧經卷第三 第十疏 第

是處又發心 為求法利故 復有他方佛
号曰勝帝幢 調伏聞世間 於彼諸佛所
為求勝法故 攝取無上慧 无量智等
不思議諸佛 法音聞高遠 如是世尊所
三業受斯法 求第一菩提 昔於善眼佛
猶無邊火幢 發此猛利心 求无量菩提
又於光力王 變化神刹土 住是大仙所
以求勝菩提 光炎生調御 無量相德明
於彼初發心 求此三昧寶 炎光及大衆
明乘降慈佛 如是世尊所 求法施衆樂
一切身如來 難思及日明 無量力善逝
无邊定意佛 於彼諸世尊 發心施法樂
金花大聖尊 善花香正覺 阿蘭若行佛
無漏如來等 如是諸佛所 敬求寂勝道
此方及他刹 過去無量智 於彼兩足尊
受持此三昧 身口意勤修 求第一菩提
以此諸善業 供養天中尊 具足滿八万
常求无上道 是諸菩薩等 死此離惡道
一切共俱生 恒奉人天尊 永離邪惑法
不生卑賤家 遠離愚知識 親近於善友
攝取諸功德 乃至於菩提 當於未來世
值遇彌勒尊 供養天中天 攝取勝菩提
三昧如來後 師子佛調御 於彼世尊所

為法淨三業 攝持諸勝行 以求正覺道
賢劫中千佛 无上兩足尊 當為此菩薩
宣說深妙法 是諸善逝子 必獲無等色
過此賢劫已 无量光如來 月顯及賢觀
相繼出于世 賢觀佛滅度 其間甚久遠
多羅幢如來 紹繼廣開化 彼諸敬慧人
為法設妙供 多羅大聖尊 既入于涅槃
分別世如來 其後次成佛 為深三昧故
奉敬彼法王 分別佛滅後 亦現尊出世
示現聖日沒 花上世所依 次第成正覺
當生一切見 花上既善逝 優鉢羅勝佛
出現調世間 當供兩足尊 優鉢羅勝佛
拘修摩世依 其次成菩提 彼佛慧日沒
莊嚴大勢尊 於是出于世 莊嚴聖眼滅
次有眾智勝 於彼為法故 廣設无量供
眾智勝滅後 善現佛大智 當與于世間
善現泥日已 妙持世依師 次為調御尊
妙持如來後 善圓遠世尊 第一智當興
於彼求菩提 善圓遠佛滅 無量光正覺
大勝无邊明 現前寂法王 如是三調御
相繼出于世 現前慧日沒 寂滅念王興
為此法利故 供養難思議 知彼當來佛
一切世主上 受行此菩提 為求法壽命

以是諸善業 於此界命終 得供无量壽
大威降然佛 既值人中尊 廣設無邊供
為得法義利 攝第一菩提 住彼諸世界
眾多世智所 為利益眾生 不求五欲樂
奉敬多德佛 當成无等智 憐愍脫眾苦
安樂諸世間 獲取勝菩提 彼刹廣難議
眾寶妙莊嚴 无邊淨妙樂 若億那由他
是諸菩薩等 諸人中法王 不思議佛智
我今告汝等 諸天及世人 若求學佛智
則與如來等 是人樂佛智 求習勝菩提
以求菩提故 應獲人尊法 諸天龍夜叉
迦留摩睺羅 及諸拘脤茶 常深護佛法
若人求菩提 護法應如子 若求佛菩提
則得大果力 端嚴甚殊妙 色像如真金
常為一切眾 普慧深遠教 具足不思議
一切諸功德 淨色百福嚴 世間最上寶
人天無比尊 龍鬼莫能議 是人依菩提
得供眾勝仙 為利眾生故 開示深定法
菩薩念佛三昧經正念品第十五
尔時眾中思義菩薩捨非義菩薩心
勇健菩薩分別心菩薩無慳意菩薩
拔煩惱菩薩善思義菩薩眾智菩薩
无縛菩薩眾光菩薩智燈光菩薩造

智知識菩薩无等煩惱菩薩帝幢天
子他化天子皆共恭敬而白世尊今
言諸佛之所說者何故名為諸佛所
說云何諸佛何者是佛當云何念名
為念佛為起身念為起法念尔時世
尊告諸菩薩善哉善哉諸善男子汝
等所問甚深難思皆是承佛威神之
力生此樂說无等辯才諸佛所說名
為佛說正念諸法真實之相是名念
佛何謂正念莫著一切諸惡誹謗應
修一切無識謗法當離於我及以非
我不見眾生命字主育養士夫人
及生者莫著作者使作者之者陰界諸
入想所緣處於一切法今世後世乃
至三界無依无染我見諸行無取无
捨禪定解脫及六神通如意根力菩
提覺分毗舍羅等無量善法略說九
万億那由他不可思議甚深三昧一
切諸佛常所念佛法方便慧隨而書
寫讀誦敷演方等經典說佛功德名
佛所說尔時世尊即說偈言
常能捨一切 有為虛危相 不得諸法性
則獲是三昧 莫著諸誹謗 及憶想分別

永離我所如是得三昧 不於諸陰法
金佛三昧經第五卷 第三十頌
見衆生壽命 我人及起者 士夫養育等
亦無分別想 是名為說法 於諸法不滌
我性及我所 見我非陰生 則得此三昧
色受想行識 一切空無相 根本皆不淨
知此得三昧 觀諸有為法 從緣不自在
一切不真實 虛誑不可取 如彼從緣法
是則名眼入 耳鼻等亦亦 皆无有自性
若能諦分別 得生此三昧 是身虛无實
陰聚無一淨 九孔流膿血 誰當樂此處
意入念念滅 虛妄常如幻 若能深分別
則得是三昧 一切諸入等 皆空无有實
凡夫猶小兒 癡惑計有身 貪愛之所迷
不知是虛妄 是身如空聚 衆賊之所止
可患虛誑法 智者常默離 如是深觀察
則得是三昧 陰界入諸法 皆空无一實
若人能分別 得生此三昧 如炎泡聚沫
幻化芭蕉等 當觀身危脆 不實信於此
若此諸菩薩 如是智不毀 疾得一切佛
所說深三昧 諸法不自生 亦不從他有
畢竟无所住 無漏法亦然 若能如是觀
則生此三昧 捨一切有為 諸行變異相
此法如虛空 生者不可得 菩薩如是知

修學一切法 疾得勝菩提 轉無上法輪
金佛三昧經第五卷 第三十一頌
是菩薩則能 建立於法幢 以不思議智
分別一切法 皆見是虛誑 畢竟不真實
我今雖為汝 宣示此三昧 如是儀式相
其義甚難知
尔時世尊說此法時有諸菩薩得无
生忍又復安住念佛三昧是諸菩薩
皆見東方如恒沙等諸佛世尊說此
三昧清淨平等无增無減无二無異
其餘諸方亦復如是皆有無量億那
由他如來世尊俱時皆演諸佛所說
念佛三昧時諸菩薩聞佛所說身心
歡喜快得安樂不勝踴躍即於佛前
重以偈頌說其相貌
歸命世光明 正覺牟尼尊 大法聖賢王
釋迦佛智海 人依師子王 普示諸色相
見彼東方刹 卽由他諸佛 悲愍衆生故
說法如師子 調伏卽由他 如是諸菩薩
安住童真地 得無生法忍 善順甚深性
於法无所壞 其餘九方等 相貌亦如是
悲見多億衆 卽由他諸佛 譬如師子王
恐畏之所依 无漏寂無等 轉第一法輪
是處无去來 其相亦不住 一切法無實

性空無生滅 衆生及壽命 士夫亦如是
金佛三昧經第五卷 第三十二頌
一切陰界入 无實如空捲 譬如諸野獸
畢竟无所依 諸法實无生 或有常不淨
微心貪生死 如彼癡嬰兒 多億那由劫
恒苦而不臥 是以佛慈悲 為此說菩提
是故諸佛子 常捨身手足 頭目及髓腦
妻息妙珍寶 皆悉能棄捨 以此行菩提
既能施妻子 眷屬諸外財 又棄天世位
身肉及筋骨 能捨是難捨 疾得成正覺
施戒軍勝果 忍進禪慧等 行慈悲喜捨
以求無上智 菩薩應修是 為利衆生故
尔時世尊即以偈頌答諸菩薩
菩薩若多劫 修行是真如 不異不分別
以此說菩提 其性甚寂靜 難得難可見
當起无盡意 修習如是行 是菩薩則得
進智近菩提
尔時世尊為諸菩薩略說四法滿菩
提故而告之言諸善男子當學戒品
善自防慎守護觀察生智方便常勤
修習乃至菩提於諸衆生恒起慈心
為除我見及我所想求於寂勝無上
菩提乃至捨身及以命財應當守護
成就增長如是四法三昧根本

菩薩念佛三昧經大眾奉持品第十六

余時世尊知九萬億那由他等諸大菩薩摩訶薩眾皆悉已集復有百千萬億菩薩是等當於弥勒佛時悉得住於不退轉地是時東方九萬九億百千那由他諸菩薩眾梵上菩薩而為上首南方復有九萬九億諸菩薩眾持誠菩薩摩訶薩等而為上首西方復有九萬九千諸菩薩眾大智菩薩摩訶薩等而為上首北方復有九萬九千諸菩薩眾大光菩薩摩訶薩等而為上首復有住彼歡喜世界無量菩薩皆悉來集梵身天王大花梵王無量梵王皆悉來集復有無邊百千那由他釋提桓因眾念天主而為上首復有無量百千億那由他等四大天王復有無量迦流夜叉持鬘夜叉常醉夜叉復有諸餘天龍夜叉乳閼婆王阿修羅王迦留羅王緊那羅王摩睺羅王羅刹夜叉拘摩茶鬼富丹那鬼及與迦吒富丹那鬼如是種種無數百千大力鬼神亦來在座余時世尊應正遍知知諸大眾皆悉已集

將為此等略說斯經功德深重次第之法為欲調伏諸人天故復作師子嚙咬之聲即為時會說未曾有此經法者去來現在三世諸佛之所修行能滅一切諸大苦惱是故諸佛尊重是法已行當行今亦修行是故大士欲求我身應當尊重真實之法敬事法者當如敬佛所以者何法不異佛是人求法應到於此若天若龍人及非人能求法者疾捨諸苦行法除苦佛說軍勝是故菩薩為欲利益一切世間求菩提法是諸菩薩則為已施一切眾生菩提之樂疾得度於生死大海當我須臾說此三昧微妙經王教世間時一切山河及以大地皆悉俱時六種震動時諸眾生皆稱善哉所以者何當佛說此菩薩念佛大三昧王大乘方等微妙經典無邊功德大智海時億百千數那由他等無數世界佛之刹土皆悉六種十八相動及放淨光大明普照余時虛空無量諸天擊大天鼓聲若雷震又奏和雅調暢之音復有八萬億那由他地神

天女持眾寶座從地踊出至世尊前至心恭敬而以奉獻復有主樂乳閼婆王作億百千那由他等種種妙音甚可愛樂復有諸龍及龍王子與大密雲普覆世界雨天曇陀及眾妙花周布大地高百由延時娑竭羅諸大龍王於虛空中變成宮殿眾寶莊校微妙殊特天栴檀末普散此刹三千大千佛之世界復有色界諸梵天王於如來上作寶花蓋遍覆三千大千刹土是蓋廣廣垂諸寶鈴其鈴皆出微妙之音譬如他化自在天樂余時此會一切眾生皆修慈悲喜捨之心既聞法音不勝喜悅各各至心重歸三寶時會聞法無邊眾生皆發無上菩提之心復有無量諸眾生等悉深發辟支佛心復有無數諸眾生等皆發聲聞菩提之心復有無量諸刹利王沙門婆羅門毗舍首陀長者居士皆悉獲得須陀洹果斯陀含果阿那含果復有無邊諸眾生等皆證无著阿羅漢果余時世尊說是經已一切大眾皆大歡喜不空見等諸大菩薩

念佛三昧經卷第五
大聲聞衆及諸世間人天八部阿修羅等聞佛所說皆大欣樂頂戴奉行
菩薩念佛三昧經卷第五

庚子歲高麗國大藏都監奉
勅彫造

佛經云：「善哉！此乃一劫中，諸佛出世，度脫眾生，不可勝數。今見此經，當當受持，讀誦，寫經，造像，供養，讚歎，香華，幡幢，伎樂，歌讚，種種莊嚴，悉皆具足。此乃一劫中，諸佛出世，度脫眾生，不可勝數。今見此經，當當受持，讀誦，寫經，造像，供養，讚歎，香華，幡幢，伎樂，歌讚，種種莊嚴，悉皆具足。」